


真西山集

五十一之五終




疏語 祝文 祭文

				一〇	漢書門
			二七		
			三六		
			三八		
			一八		
			冊架函號類		

庫文閣內				
				漢書
			一〇	
			二七	
			三六	
			三八	
			一八	
			冊架函號類	

內閣文庫	
番號	漢 10276
冊數	18 (18)
函號	316 26

十七




西山先生真文忠公文集卷第五十一

祝文

鎮江廟祝文

陋者吾鎮秀民歲以上春良日相帥祇薦于神因飲
福焉所以答鴻休而延靈貺也某以持節過蒙獲與
斯會敢陳菲奠因控悃忱吁自慶元龍飛以來南宮
捷音不聞於鎮人之耳者蓋十四年于今矣豈神無
意於此邦之士其寥寥而弗嗣也明天子將復下來
士之詔惟神其大庇茲土俾濯纓天池驟首霄漢者
繼踵而起豈非神之太賜乎仰翳明靈監此誠禱



真西山文集卷之五十一

吳

唐憲廟祝文

乙亥
建康

嗚呼江東之民困敝最甚者莫如桐汭旱蝗之災酷
烈最甚者又莫如今歲夫以甚困敝之民而遇甚酷
烈之災幾何其不化而為餒鬼流而為餓隸此其之
所以朝夕憂危思所以拯救者如其躬之疾癘然而
賙卹賑濟允人力之所可為者有司固不敢辭其責
至於均調雨暘銷弭災沴允人力之所不到者非神
其曷有濟維王自 廟食于茲土允幾百載矣民恃
王以為父母有水旱而必祭今嗷嗷之氓有甚於赤
子之待乳哺神之仁亦豈忍坐視其將斃歟命懞僚

人謁祠下所以赴愬於王者如此惟哀惻斯民而亟
救之更千百年其敢忘神之太惠

中元水府廟祝文

某自春徂冬三至采石而三謁王顧豈有私禱哉以
王之威神歟硅震耀能相上帝而澤下民故也今民
病劇矣若冬又無雪則無麥春又無雨則無禾哀我
人斯將隕溝壑王其忍聞之乎迺者飛霰之祥效于
日至矣惟神終此大惠使一臘三白以祛沴氣而兆
豐年若乃田事旣興膏澤時至茲尤農人之所歧望
者王其哀痾斯民民亦世世事王無怠

廣惠廟祝文

廣德相廟

於禱王之神功聖德衣被天下而靈響震發定肇乎此邦猶日升暘夷而燭萬國江出昆侖而吞百川也某自行西方遇王之祠未嘗不肅然起敬况於巍巍炳炳衆廟之所祖禱揆日之良

若其區區為民致請者則敬心以禱又儼茲誠儼然可貫白日

廟祝文

世以仲春 日為王始生四方士女大會于祠下是非有無蓋不可攷矣然於此乃見人心歸戴之切焉

夫民視王為父母而謂王不以子視斯民者愚不佞也今江東之民艱食方甚亡異於赤子之失乳惟王以父母之心哀之救之以全其生而塞其望幸甚

范忠宣公祝文

維 嘉定九年歲次丙子二月甲申朔初四日丁亥故丞相忠宣范公祠堂成具位真某謹率僚屬以羊一豕一告祠于公曰嗚呼治平之元公自畿縣來漕江東曾未數月入為御史故其行事不少概見獨其所賦籌思堂之詩刻石猶在誠通造化念其群生有德之言隨寓發見茲非為政者所當矜式乎是用闢

堂之東楹敬祀遺像以寓高山仰止之意若夫立朝之大節行已之大方誓以沒齒惟公是則明靈不泯實監此心

廟祝文

之為郡介乎浙右而隸乎江東然厥甚瘠則曼異乎江浙之風以下上之賦雖粒米狼戾且糞其田而

不足况於逢歲之艱凶既前驅以早魃之虐燄兮又後繼以妖蝗之銛鋒環千里皆赤地兮况望其櫛比與崇墉赤子嗷嗷而誰愬兮分捐瘠於溝中嗟人力

其奚施兮賴神明之哀恫雪霏霏其三白兮又零之兩濛濛既優渥而霑足兮獲及時而趨工顧某之何知兮屢干瀆乎靈聰蓋隨扣而隨應芳嚕呱之鴻鍾豈某之愚足以動神聽兮蓋神之愛人故頗鑒乎微衷瞻赫赫之被野森雲濤之翻空苟蕪甸之明霽即坐收其全功神既加惠於其初兮顧豈惜委呪於其終冀燥濕之孔時俾黍禾之偕豐易枯槁而昉潤轉愁慘而春融某將大書特書以紀神之休應兮期焜耀於無窮

諸廟穰蝗祝文

在詩有之去其螟螣及其蝥賊毋害我田穡夫此人
事也乃以屬諸田祖之神何哉蓋禦畜弭患在神為
之則易而在人為之則難日者本道郡邑以蠹生聞
天子有詔俾長吏禱于山川百神之祠是亦周先王
意也惟王廟食歲久陰威赫然霆奔風馳山嶽可撼
况區區虫蝗之孽乎驅之攘之以升炎火是直噫欠
間耳虔共致祈立俟嘉應

廣惠廟祝文

某間者伏謁祠下敬以三事有祈于王威靈赫然隨
如響綸音誕頒錫以廩粟為萬石

仰哺之民賴以無饒又聞歲除至於人日嘉雪頻仍
宿麥蒙潤非王之慈仁密賜覆露其何以底茲某與
二邑十有四鄉之人同深抃踊惟是溪湖之流尚梗
舟楫之運猶難一雨霈然使千艘浮動此尤朝夕之
所企望者惟王其終惠之

奉安范忠宣公祠堂祝文

故丞相忠宣高平范公迺者仲春即籌思堂東楹以
妥公像雖有以見區區尊賢尚德之心然其規撫簡
陋氣象卑狹每歛然為之不滿也夏田告登振瘵訖
事既新貢宇遂建斯堂撰日之良載嚴登奉冠劍山

立德容穆然熙寧立朝之英風元祐當軸之盛烈凜
乎其在目也九泉可作吾誰與歸秋菊寒泉薦此芳
潔茲誠炯炯公其鑒之

辭夫子廟

建寧

昔者先聖之門果如由藝如求然後許以從政某也
器允而學陋曾未及二子之彷彿而叨恩出使遽寄
以一道生靈休戚之命宜其不足以稱塞也然節用
愛人之訓拳拳服膺者未始一日而不敬奉詔守泉
遂將去此誓當益尊所聞而行所知以終無負聖門
之律令尚饗

明道祠堂

明道先生其年未弱冠已知誦夫子之遺書雖一命
之士當存心於愛物况於乘使者之車然學力未充
其愧於民者多矣叨恩假守誓當服膺訓言益求所
以用力者庶幾有以贖今日之過乎尚饗

東南嶽廟等處

某書生為吏無以瘡人惟有不欺皎如星日賴神之
賜訖遂終更詰朝有行不敢不告尚饗

范忠宣公

故丞相忠宣高平范公迺者建公之祠於治舍瞻仰

而取則焉今雖去此然櫝有遺書殆亡異
奉香火於左右也以責人

之心責已恕已之心恕人誓畢此身毋忘明訓尚饗

劉忠肅公

嗚呼公生於建水而沒於金陵光明秀傑之氣當已
融而為喬嶽燦而為列星至於論議之崇訟事業之
雋偉播在簡冊者又將垂千載之儀刑某以鄉閭晚
出雖不及執經於堂下然讀公之書友公之子猶仿
彿其平生榻來江左屬歲饒饒鮒背黃髮之叟誦乙
未揀菑之績徃徃歎歎而涕零某之視公無能為後

獨於遺訓之炳然者每拳拳而服膺其於惠孤恤
之政既嘗竊取其一二復刊梓以布之海內庶幾傳
此方挾此藥者皆足以起沈瘵而蘇醒被命守泉謹
拜謁祠下而去繼自今強學力行益當思所以自厲
者上以無忘於師訓下以不辱於鄉評尚饗

鎮安廟祝文

某不
恩列位于朝者凡八年莫遠於禁林史莫
重於稽古禮文之事而某也獲有所復玷
使指可謂幸矣非神之

靈潛
佑其何以逮茲懷紱過家敬謁祠下惟神

推所以福某者而均福於一方俾珪組蟬聯嗣是愈
盛豈非衆心之大願乎不腆酒殽具將誠意

辭廣惠廟祝文

某將指二年無補於民乃若民瘼以告而適應親疾
以想而旋愈則皆有賴乎神神之有大造於某也蓋
與覆燾而惟均被命守泉敬謁祠下而去若夫繕營
之需則已付諸幕屬豈足仰報於靈休姑以少酬其
夙心云爾

梨山廟祝文

惟神以唐名賢膺宋祀典封爵之崇極于二等威德
之盛被于一方富沙之民飲食必祭蓋無異子之於
父母也某承詔守泉道出鄉郡誼當躬謁祠下而迫
於午後遂不克前敬馳辦香茶布誠悃維今此行屬
當大夏高堂有母華髮颯然走陸浮川衝暑履濕人
子之心不無憂虞伏惟聖靈密賜擁佑俾起居飲食
無異平時壽祿康寧益受多祉是神有大造於某也
期以代還躬伸報謝茲誠炯炯王其鑑之

梨山廟

某復有微悃干冒聖威仰惟靈佑善應廣濟昭惠王
在唐之季來守建安實有惠政故自騎雲帝鄉之後

邦人懷之廟于梨山以祀以享著于唐史事迹可稽
此學古之士所共知也惟是詩篇遺文藏在三館學
者無自而見焉某願以私錢刊于廟中庶永其傳且
俾奉祠祝者鬻之以為鄉火之助惟神其幸聽之

梅山廟

五顯王惟神封爵之崇極于二等威德之盛被于四
方睠是仙山有嚴廟食邦人欽戴奉祀尤虔某承詔

守泉

以下並
同梨山

又狀

某復有微悃干冒聖威某昨在奉常獲見徽饒二州

兩奏加封五顯王本未皆謂神姓曰蕭伯仲五人
考之建安誌神之姓氏伯仲皆與徽饒廟同已封至
六字王梅仙之祠乃尚仍五通

竊所未安某與郡人同請于漕臺綸告

與婺源德興二廟封爵一體顯聖靈聿

新觀聽惟神其幸聽之

謁先聖廟文

泉文

某不佞幼讀先聖之書至於道千乘國敬事而信節
用而愛人使民以時未嘗不喟然三嘆以為苟得千
里之地而為之則為斯言也真藥石之良規槃杆之

至誠也今天子不以為愚且陋擢守南土茲非推行
所學之日乎夫一事之不謹不可以言敬一令之非
誠不可以言信錙銖濫費不得為節用毫髮橫取不
得為愛人一後之妄興則非時使之義顧頃不敏敢
違初心惟不得罪於此邦之民然後為無負先聖之
訓神靈如在尚監此心

社稷

某叨被恩除假守茲土載惟社稷民命所依祇若故
常按行封壇用嚴國典式對神休謹告

諸廟

惟上帝以好生為心肆命諸神以奠方域聖天子以
憂民為心故環千里付之守焉幽明雖殊其所以為
民則一而已某猥以非材承乏茲土允其職之所當
為與力之所可任者不敢不盡其方若夫均調雨暘
銷弭菑害則非神乎孰賴尚惟陰相以康斯人豈惟
民荷寵靈某亦與受無窮之賜

東嶽

五方有嶽祭秩畧同而岱宗之祠獨周徧于天下者
以其居平秩之方而主生育之事故也某猥以非材
來守茲壤允可以致力於民不敢不盡其方

下同

趙忠簡

惟公以忠正德文為中興名相第一某高山仰止于茲有年被命此來獲踵公武於八十年之後緬懷遺烈凜然若存何以薦誠惟此卮酒

韓中令

惟公以景德丁未來守此邦盛德格天寔生人傑是宜父子並祠至今載瞻儀刑敢不起敬

王詹事

瞻是泉山為一都會牧守相望多特名臣唯梅溪公道愛尤盛蓋其所以修身治人者一出於

愈久不替某自少小即嘗誦公

詩仰止高山于茲有日敢圖僥倖

四十七年之間方將朝夕勉焉以

茲誠炯炯公其鑒之

蔡端明

惟公以忠言惠政著于中外至和之世實自畿甸來守此邦以便親輿之奉流風善政人到于今稱之某之視公無能為役然間者九重假寵之意明著訓詞實用仁祖命公故事顧惟不佞將何以堪之惟當仰止高風以庶幾其萬一英靈如在尚聞斯言

顏尚書 徐都承 程尚書祝文

惟公以法從名臣嘗鎮茲土實有遺愛在其邦人尸而祝之迄今未泯某祇事云始謁見惟勤載瞻儀刑肅然起敬

姜相公祝文 泉州南安縣

嗚呼公以鯁亮之資盡言於猜忌之主一斥不復沒于遐俶然清風直節千載而下猶凜凜有生氣彼脂帝輒美寵竊一時而遺臭無極者未知孰為得失也茲因祠事庸款幽宮酌以一卮喟然三嘆

開溝告諸廟祝文

地之有溝渠猶身之有血脉也血脉宣暢則體安而氣和一或底滯則疾疢生矣某被命來此考按圖志則知邵縣之溝堙闕歲久蓋自林侯祈之後未有再議開濬者淤泥惡水停蓄弗流春秋之交蒸為癘疫州人病之匪一日矣顧念庸拙蒞事方新懼於煩民未敢輕議而寓公同僚交相勸勉謂將興悠久之利不可憚信宿之勞博參輿言亦以為便乃消良日命庀工徒維城與隍神職是主威靈赫然尚克顯相使畚鋤之下如掃浮埃役者不勞而功以克就此州人之幸也某之願也

到任謁韓魏王祝文

我宋盛時莫如嘉祐伊誰輔相曰韓與魯惟宣靖公固為衆人若忠獻王則又生于衆者也山川之靈鍾此人傑顧不偉與郡圃有祠寔惟育德孕賢之地高冠大劍儼如生存某祇後云初敬伸款謁若夫法公之所以治相治魏者而治衆顧雖無庸其敢不勉英靈未泯實聞斯言

開湖祝文

郡東有湖其來尚矣在慶元中守臣劉公穎實命開湖疇萬畝灌溉所資其利一也以固風氣以壯形

勢其利二也廣仁聖好生之德寓臣子報上勸其利三也而二十年間有司因循浸不嘗省枯涸浸甚其甚懼為捐庫緡以募工當農隙而舉事庶幾民蒙其利而不知勞仰繫明靈尚克陰相功以亟就則報其敢也

修城告諸廟

郡之有城以藩衛也比歲守臣嘗一新之矣曾未數載復以圯聞某自玷州符即屬意乎此而重用民力不敢輕輒舉以至于今茲因農隙稍加繕治力所未及者則以俟後之人仰翳明靈尚克顯相俾即數旬

之近而成百雉之功某之願也邦人之幸也

土神祝文

守臣之職實曰捍城城圯不修咎將誰任三農之隙以漸繕完惟神其相之幸甚謹告

春祈祭諸祠

謹以清酌脯脩之奠祭于云云古者春秋祈報之禮惟施於社稷載芟良耜之詩是也今併及於廟貌之神蓋以水旱蟲螟之禱於是乎在有不可得而廢者若夫先賢之祠特以寓邦人去思之意而非為祈禳設也考諸舊儀有未安者不量其愚輒用釐正自今

以始釋奠于先聖之明日則遣官以祠而繫祈報之禮庶幾於義為得惟神其幸鑒之

諸廟

春之有祈故事也而某勤勤為民之心則不敢以故事視也前者祭饌之菲既改而用牲矣此復申戒攸司益虔厥事凡所以盡內心之誠而冀神之或饗也然豈有他求哉雨暘以時疫癘不作使民有為生之樂而無戚嗟愁恨之聲吏之所望於神者惟此而已洋洋如在實聞斯言仰翳明靈賜以饗答

慈濟廟

維古之制捍患禦灾有功於民始在祀典神之生也
以和扁之技妙起死之功颯遊既升靈嚮益著此邦
之民不幸有疾求救於神者如子之懇其親神亦隨
其所苦救而療之如親之愛其子嗚呼其可謂捍患
禦灾有功於民者已矣歲時常祀乃未及與非闕典
歟載念此邦密邇南土 疫癘易生春夏之
交多以病告斷以今始著為定例一歲兩祠于神仰
惟英靈監此誠悃俾民無疾痛之苦則吏亦免休迫
之憂將千萬年承事無斁

慈濟廟祝文

四月
二日

井以疎庸繆膺郡寄抵民之疾猶已隱憂今春以
二氣均調札瘥不作繫神之庇朝夕不敢忘乃者閭
巷郊野之間漫有以病告者與其既甚然後有祈于
神豈若及其尚微亟控斯禱惟神哀恫庶俗亦願有
以棟之於其初旃幾民之獲全者多而神之用力也
易吏既獲免其責而民亦事神益欽豈不美哉

為民患痢告慈濟廟文

傳曰父母惟其疾之憂言親之於子惟恐其有疾也
郡之有守所以父母斯民也民有疾而守不加恤可
乎今閭巷之間以痢下為苦者衆守能閱之而不能

救之既有愧於民矣神能救之而守不以告其罪當
何如哉肆命元愍致祈于神神其救之使病者有瘳
而未病者獲免豈惟亦將謂神之德於無窮

東山南北岸兩渡祝文

間者以渡舟之多溺也深惟長利欲聯百艘而橋之
蓋嘗以諗于神矣而謀者不以為便夫見其可而圖
之與慮其不可而遂止九皆為民而已然新路改築
舍迂而近其鉅舟更創去危即安亦不可謂非悠久
之利也惟神嘿有以相之俾無風波衝盪之虞無魚
龍噬齧之患行者濟者各適其所安民亦永永戴神

之賜

北山清涼洞祈雨祝文

嘉澤久曠麤蕤將萎共惟守土之臣寔掌劬農之政
雖冬而禱雨蓋徃昔之未聞然志切念民豈故常之
可徇用殫忱悃仰扣真祠山改名山願及斯時亟降蘇枯
之澤庶幾嗣歲免貽艱食之憂

北山謝雨祝文

間以旱暵有禱于神雲興雨濡旋荷嘉應芄芄之苗
將槁復茂神之為賜大矣然自今至于秋成無非望
雨之日惟神終此大賜使膏澤時至卒歲豐年實邦

人之慶也亦守土者之幸也

諸廟謝雨祝文

比以甘澤久曠懇禱未孚夙夜以思不勝震惧維神
血食此方與守土之吏同任其責令茲一雨沛然萬
物吐氣不惟為吏者得以少寬其憂而神亦為不失
職矣然而焦枯雖解滲漉未深若能大赫厥靈使滂
沱之澤飽足民望則拜神之賜有加無已祇荅嘉貺
輒布之

忠孝祠堂奉安祝文

具位真某謹率僚屬以清酌之奠昭告于旌表義闕

公司空忠勇蘇公某不佞奉天子之命來綰虎符
視事之初考按圖志則知此邦前哲有如林公之純
孝至行蘇公之精忠大節光明卓絕標準百世既祠
于郡學使為士者知所勸又祠于通衢使凡居是邦
與往來之人皆有所瞻仰嗚呼世降俗末為人子而
不塋其親與葬而不以禮者有矣視林公之躬自陶
甕負土成墳者何如哉為人臣而欺其君與臨小利
害而選悞畏避者有矣視蘇公之舍生取義以死償
節者何如哉祠像告新敬伸款謁清風如在嘆仰不
忘

諸廟祈雨祝文

聖經所載惟麥與禾今禾既登塲所至告稔拜神之賜渥矣乃季秋以來雨不時至高田之麥欲種而無水以耕下田之麥已種而無水以溉此農人之所甚憂况夫風高氣燥則居者用虞泉枯井竭則汲者告病惟神幸哀斯民而賜之嘉澤使憂者以愉虞者以安病者以息是一舉手而三患弭也神其可無意乎

諸廟謝雨祝文

迺季秋以來雨弗時至嘗以三患有謁于神荷神之靈賜以響答將萎之麥蓊然勃興既涸之泉坳然充

溢而燥炎之氣又化為潤澤真所謂一舉手而三患弭也不腆卮酒持酌于神維以薦誠匪敢言報

張大帝廟祝文

某曩在江東適罹歲旱凡所禱請惟神是依今在泉南復值冬旱躬走祠下為民致祈信宿之間井澤隨注將萎之麥蓊然勃興既涸之泉坳然充溢其拜賜也渥矣不腆卮酒持酌于神維以薦誠匪敢言報

張大帝通遠廟祝文

古者春秋祈報非大神不與蓋農重事必其威靈震赫足以闔闡陰陽召呼雷雨者然後可望以豐稔之

真西山文集卷之五十一
施惟帝王功參造化澤被生靈為日久矣屬此中春
慶修時祀惟王鑒其念民之切而再賜以上熟豈獨
為吏者知德於王民亦永永事王無怠

諸廟謝晴疏文

比者洪濤山涌之日雨復甚至其勢蓋廩廩也使開
霽少遲則平疇萬頃皆將卷為巨浸矣幸神靈加惠
茲土使雨隨止而川不溢芄芄之苗賴以獲全厥施
豈淺淺哉不腆樽酒于以告慶尚惟相之遠俾有歲

辭先聖祝文

昔者祇謁云初嘗以服膺洙泗之訓自列於先聖之

前雖在官三年恪守惟謹然其可愧亦多矣蓋學有
所未克則政有所未善固其宜也易鎮江西責任彌
重將何以稱塞惟當益尊所聞庶幾萬一之進於皇
元聖尚迪其衷

諸祠

假守是邦于今三載材疎政拙有愧前脩獨惟此心
庶幾昭合叨恩易鎮敢不告行

忠孝祠

祠二公以範風俗自某焉始叨恩易鎮遂將去此惟
當監勵忠孝之節以無忝於二公皎然此心尚斲昭

鑒

遊仙山頂祈雨祝文

昔者真人之始封也綸告誕揚固有愛利及物之褒
矣今境內之旱前所未睹風日炎熘良苗將萎此正
真人推行愛利之時也夫雨暘之數雖出於天然上
穹至仁易以感格山川百神儻能為民致請未有不
能回造物之意者况真人列名仙籍隸職紫清又非
山川百神之比何惜不為一方赤子致其更生之請
乎今旱勢極矣民命危矣於此時而不亟亟救之後
村無復可望者矣敢以誠告尚其念之

周真人祝文

謹以素饌昭告于 勅封冲應真人靖惠夫人曰有
崇斯山作鎮南浦真仙宅焉多歷年所麻吾一邦厥
施甚普寶軸綸書光賁琳宇實帝令之裨職茲土維
時常祀曠典是惧峩峩儒纓相帥作古有飶斯馨有
清斯醑俶聞其端日歲壬午維仙之飲玉液淋漓維
仙之饗豹胎麟脯豈伊區區可薦尊俎物雖甚微誠
意攸寓睠是賓興敷詔萬寓得拔其尤貢于天府允
茲士類志在軒翥維吾真仙各傳以羽如鵬之運如
鷗之舉 如蛟龍得被風雨逢辰效竒立功至主豈

人寔能維仙默助若甄之陶若冶之鑄洋洋文風視
被鄒魯英英人才媿昔伊呂于鄉有光于國有補茲
願甚宏非仙疇予尚惟至赦仁此覩縷

北山祈雨祝文

維年月日具位謹以清酌之奠昭告于北山之神傳
稱名山大川能興雲出雨者始在祀典溫陵為郡以
泉得名有崇北山實州之鎮神仙所宅霧雨所藏一
方仰庇惟日久長今歷旬不雨多稼將枯群情咨咨
若墮川谷願以靈源一勺之水散為闔郡三日之霖
使稿苗復興民命獲濟此神之職也亦邦人之望也

社神

維社有神寔主我民曰社與民厥重惟鈞歲旱民饑
亦神之疚願於未然畢力以救

勾龍氏

於我惟神于祀配食有功于民故莫能易雨不以時
民且告瘁神其拯之反掌之易

稷神

維稷有神所主惟穀雨暘以時嘉穀乃熟芄芃者苗
賴雨以濟尚哀斯民俾克有歲

后稷氏

惟神之生百穀是殖更千百年祀以為稷今穀方茂而雨不時哀而救之匪神孰尸

風師

在易有之雨潤風散其於生物功則一貫雲氣疑合雨乃滂注所求於神願霽斯怒

雨師

瀕海之邦土瘠易穡潤澤不時則以旱告一雨通宵已拜神賜願更滂沱俾卒有歲

雷神

鼓動萬物惟雷之功有神司之隱隱隆隆惟霆之轟雨乃大至敬共有祈日夜以冀

北山祝文

古者諸侯有國凡境內之山川必有祀焉後世祠廟既興而山川之祀遂廢徒知像設儼然而謂神明在是而不思興雲雨以澤百物者寔山川之功顧寢而不祀可乎其蒞事云初適以旱告徧走群望而北山獨先焉豈非以其巍哉尊雄上與天接雲氣所自出故歎頃者一雨通宵已拜神賜矣邇日以來旱氣彌烈神能賜之而不能終之殆非其之所以奔走乞靈之意也敬持瓣香載控忱悃與膚寸之雲以雨四境使人知山川之功不在祠廟下豈不休哉

清源洞祝文

乃者中夏以來農畝告旱比雖得雨而潤澤未周
將復就槁群情咨然如墜蒿炭仰惟至人起出
世表與造物游招呼神龍嘘吸雷電惟無意斯民則
已倘誠有意則為一方赤子以請命于天興膚寸之
雲以膏潤四境直反掌間耳惟仁慈其終念之

東嶽諸廟

某自玷守符居慚喜最惟三載極憂民之念而一毫
無營已之私質諧明神庶幾無媿叨恩易鎮敢不告
行奉親在涂尚靳陰相

辭清源祝文

某
假守三年茂焉聲績惟於斯民念軫晨夕十日不
雨以旱為憂五日之雨又虞橫流區區此心實貫天
日銷變召和則媿無術有崇北山真仙宅焉駕風鞭
霆妙用無邊某以誠求仙以誠答有如鼓鍾應手鏗
鎔百穀穰穰群昨熙熙維仙之功豈人之為既列于
朝加以顯號又錕于梓悠遠是 今雖去矣恐忘泉
人願言蔭佑終古常新山茗澗泉薦此芳潔神交窈
冥耨嘗別謹告

仙遊山頂祈雨祝文

辛巳五月
時憂居

竊聞之天以雨暘之柄付之山川百靈猶人君以刑

政之事付之牧伯守宰也民有戚嗟愁歎之未伸牧
伯守宰不得而專者當心以請于朝廷然後民瘼
可蠲歲有旱乾水溢之不時山川百靈不得而專者
當同心以請于上穹然後災變可息蓋推行天地之
仁者山川百靈之職也推行朝廷之仁者牧伯守宰
之任也顧焉有幽明之間哉夫雨暘之數雖出於天
然上穹至仁易以誠格今境內之旱可謂酷矣回造
物之意而救生靈之災正此斯民有望於山川百靈
之物也伏惟慈仁母以定數不移諉諸天而以為民
請命者任諸已使其澤蚤沛而嘉穀獲全神既有辭
于民民亦永永事神無斁謹告

鰲峰靈澤殿祈雨祝文

勅封靈澤夫人大仙惟大仙之靈肇於百丈一方之
人所共瞻仰于茲有年矣間者靈澤之封實定于某
之手夫豈誦大仙者哉有是實故有是名大仙之所
不辭亦某之所不得私也迺者聞諸道涂大仙復將
震耀威靈於鰲峰之上其事甚異其詞甚夸人皆信
之某獨疑之何哉蓋澹然無作而雨暘蓄疾之求各
以其類應此正直之神所為也以禍福動愚民而要
其不正之享此淫昏之鬼所為也孰謂大仙之正直

而肯要人以奉已乎此某之不得不疑也及抵西山
及有以其親覲告者真若可信而無疑矣某之愚猶
恐其出於依托也蓋大仙之所以信服於邦人者亡
它惟仁而已今不恤其民之有亡必欲其差次出錢
以廣宮室豈大仙之心乎若某不審其事之真偽而
竭蹶聽命焉非惟見嗤於士論且將獲臯於大仙矣
是以未敢即任勸率之責而願有謁焉厥今高下之
田方以早告天仙誠能大庇斯民而亟賜以雨使穀
之將收者無秕而不實之患而欲槁之苗翁然以興
則環數鄉之民將奔走稱謝之不暇某於是時慨然

任勸率之責亦為有辭矣敢布腹心惟大仙實圖之

南嶽行宮

某之為學也以不欺為本雖未能至而竊有意焉屋
漏之隱如對神明不敢忽也况今作屏乎茲魏魏靈
嶽雄峙天表顧盼在目雖欲自欺得乎惟庶惟仁惟
公惟勤朝夕競競於無愧尚惟降鑒迄用成

社稷

維社稷有神民命所司蒞事之始職當按視鞠躬拜
謁不敢不虔農事將興尚期陰相雨暘以叙俾克有

秋

城隍

城隍之有神猶郡國之有守幽明雖殊其職於民則一而已其叨蒙上恩來鎮此土深惟責任之重允躬行之當勉與民瘼之當紓朝夕兢兢不敢自忽至於蠲除畱疹丕降福祥則神之職也尚惟加意俾寧厥居民亦永永事神無忘

西山先生真文忠公文集卷五十二卷

終

西山先生真文忠公文集卷第五十三

祝文

澶州謁先聖

癸未正月

昔某之治泉也惟節用愛人之訓是服是行其去之日不獲臯於泉人賴此而已今者叨蒙上恩作屏南楚委寄之重又非泉比將何以免責哉惟於所謂節用愛人者益勉其所未至焉某始祇謁于庭烟為丹誠尚冀昭鑒

先賢祠

濂溪先生周元公明道先生程純公伊川先生程正

公武夷先生胡文定公五峯先生胡公南軒先生張
宣公晦庵先生朱文公聖學不明千有餘載數先生
相繼而出遂續孔孟不傳之統可謂盛矣惟時湖湘
淵源最正蓋濂溪之生實在春陵而文定父子又以
所聞於伊洛者設教於衡嶽之下張朱二先生接迹
于此講明論著斯道益以光大然則天之生數公也
所以幸天下與來世而湖湘之幸抑又多焉類宮有
祠其來尚矣某雖不敏然於數先生之學蓋嘗用其
力者而庸鶩之質欲進未能叨恩假守用敬謁于祠
下緬懷遺風當益自勵冀於斯道或有聞焉施之有
政庶乎寡過惟先生其相之幸甚

漢高帝

漢太祖高皇帝太宗文皇帝惟漢之興繇祀四百深
仁厚澤肇於高祖而成於太宗威神在天實相下土
若時楚服廟貌在焉惟二帝之心今之嘉惠湘民者
亦無異於昔之愛漢赤子也某叨恩假守敢不告虔
尚惟嘿佑俾克用乂

漢長沙文王 長沙定王 長沙陶公

傳曰君子賢其賢而親其親小人樂其樂而利其利
是以沒世不忘也夫為政而使民沒世不忘斯亦難

矣王之受命國于茲土盖千有餘祀而民奉嘗之如一日也嗚呼此豈可以智力求哉某叨恩假守敢不告虔尚惟嘿佑俾克用乂

三閭大夫忠潔侯屈公

某之後先生也盖千有餘祀而於離騷九章一讀一興嘆焉甚哉先生之忠於國也世降俗末媚佞成風過其祠者可以泚厥頽矣某雖無似願師其人於千載之上視事之始敢不告虔履潔含忠益當自勉

賈太傅

某之後先生也盖千有餘載而於太息流涕之書一

讀一

興歎甚哉先生之忠於國也

下同忠潔

端潔譚公

譚端潔公昔新莽氏欺天誣衆盜有神噐時則龔大夫凜然抗節不食而死著在青史至今猶有生氣靖康之難古昔所無而在廷之臣甘心屈膝於偽楚之庭者不可勝數惟公秉志之死靡渝橫流滔天中屹砥柱易名曰潔與龔同稱某叨領守符偶在公里顧瞻類水祠像在焉清風襲人千古不泯酌以卮酒慨其永懷

忠節十位

昔者王厚之難晉氏危若綴旒惟特賢王實刺此州
慨然倡義志殲兇逆群英協輔共圖厥勳事雖蹉跌
而一時臣子知有逆順之理卒以滅賊其功豈不偉
哉爰暨本朝間閔南渡蠡茲孽虜蹂我湖湘卓哉四
君寧死無辱明綸誕布錫以嘉名與晉諸賢實同廟
祀激勸之指厥惟深哉某胡來幾藩獲瞻祠像酌以
卮酒慨其永懷

春祭諸廟祝文

春之有祈豈惟故事民之望歲蓋出至情矧以非材
甫茲假守慨念長沙之故國也非樂土之舊風將斬

蕪俗之均安豈宜一穀之不稔肆陳菲饌用敬靈聰

曰雨曰暘願協四時之叙多黍多稌迄臻百室之盈

祭太守禮部朱公山長監簿周君安撫忠肅劉

公岳麓書院

五閨搶攘六經掃地人文尚闕學校闕如美哉朱公
未守茲土以經術導民而書院之教以興賢哉周君
繼長是山以德行見褒而書院之名以著中更圯廢
亦既有年維忠肅公丕振厥緒自堂而序輪奐一新
教養之際於焉大備三君子相去二百餘年而尊經
勸學之心前後如一祠像並設豈不且哉某以非材

五
卷之三十三
四
頁五
繆塵分閭顧惟涼德何以長民教化所先敢不加意
肅容祗謁如拜下風勉紹前規庶幾弗墜謹告

祭胡給事墓

故武夷先生文定胡公之墓自熙寧以還新學孔
熾春秋一王之法闡而弗章公聞道伊洛慨然以尊
君討賊自任著為訓傳大義炳然使洙泗之道復明
而荆舒之禍以熄其有功世教可謂盛矣某自少讀
公書考觀行事高山景行仰慕何窮九原不作竊用
興嘆茲叨上命來鎮三湘惟公生於武夷而老於
衡嶽既鄉閭之先哲又道德之宗師有墳其丘實在

黨里屬拘印敲諾拜無從爰遣祠官敬陳菲薦以禁
止其樵牧且訪問其後人興起士風庶其在是並冀
未泯尚鑒此心尚饗

祭胡侍郎

昭告于故致堂先生侍郎胡公之墓惟公早侍家庭
實聞至道壯登侍從屢進昌言正章蔡弄權之誅斥
汪黃誤國之臯英風勁氣獨立不回旋觸權臣遠擯
嶺海方且心潛魯語之大訓臆誦溫公之遺編著為
二書垂耀千古某以晚出幸同鄉邦顧瞻丘塋適在
郡境徃致一酌慰其子孫歿而不忘鑒此誠意尚饗

祠部

故~~胡~~即中胡公之墓公以賢哲之嗣得家庭之傳
著通旨一書亦既有功於聖筆對權臣數語不足深
拆其姦心興言高風仰止惟舊往陳一奠用表寸誠
尚饗

五峯

故五峯先生胡公之墓昔者洙泗之門高第甚衆獨
曾子傳之子思而子思傳之孟子為得其真自餘源
遠末分散為異端其亦多矣某嘗竊謂子思之功在
聖門為最盛蓋上能大其師學而下能授之英賢卒

昌斯文孰與之匹維兩程氏講道河南曰謝與楊得
其要旨文定早歲俱從之游既誠其身復以教子公
之生也氣稟特殊玩心神明不舍晝夜優游自得抱
道以終爰昇其徒曰子張子斯文有託誰之力焉仰
視子思庶幾無媿某以晚學緬懷遺風敬遣官僚往
致一奠尚惟嘿相於道有聞尚饗

祈晴諸廟祝文

東作方興惟雨是仰此豈禱晴之時也哉蓋氣數乘
除最為可畏羸於今則或縮於後此守臣之所甚懼
也今溝瀆川源在在充溢譬之飲食屬饜而已一或

過度則反為菑此又守臣之所甚憂也况積滂則麥
為之傷食濕則蠶為之病休戚所關皆非細事是用
肅心潔慮禱于有神埽除陰霾丕煥霽景在神直易
爾以神之所易解吏之所憂惟慈仁其亟念之幸甚
謹告

嶽麓湘江祝文

祭法有之山川丘陵能出雲為風雨曰神又曰非此
族也不在祀典嶽麓湘江之為山川可謂能出雲為
風雨者矣而春秋之祀顧弗之及非曠典與屬茲霖
滂惕然興懷方念即爽塏之地以望而祈焉熙暘遽

升天宇清霽矣是用易祈為謝且繼今以始與祈
之禮焉郡計少紓又當立之壇壝永為嚴事之地神
其大庇茲土錫之有年俾人知山川之功章灼不可
誣如此豈不休哉謹告

社稷祝文

凡禱祈之事必先社稷禮也屬者霖雨過度幾於靡
神不請矣而獨未及於土疆之神此其不知禮之辜
也媿懼之念方惕然于中而雲陰劃開霽景呈露矣
是用躬拜壇壝之下既以為響答之謝顧自今至于
秋成其為日尚遠而所望於神者益深惟時其雨暢

無過與不及俾年為有年則土為樂土其敢忘神之
大惠也哉謹告

諸廟謝晴祝文

廼季春以來雨澤過度輒抒誠悃禱于有神朝夕嚴
恭以俟嘉命畏蒙響答若鼓應桴甲子之朝垂霖沐
矣清風既發群陰劃開宿麥將登庶幾有望穉苗日
茂抑又可期嘉與斯民共拜靈貺尚惟矜憫迄昇有
年謹告

諸廟祈雨祝文

俗以仲夏再挾為分龍之日曰雨曰霽歲之豐歉於
是而占焉儲粟之家亦必俟是日之雨然後肯泄其
所藏以惠閭里其利害豈它日比哉載念湖湘實為
凋俗歲雖告稔民食尚艱一有不登立見擠壑是用
先期三日以奔告于有神惟神愛民之心不減於守
土之吏幸哀而憐之賜以滂沛之澤則一稔可卜百
憂以寬拜神之賜寧有紀極謹告

諸廟謝雨祝文

比以龍會之辰膏澤是望輒殫忱悃禱于有神荷神
之靈甘霖隨降有禱有謝惟禮之常爰飭有司肆嚴
昭答然壬戌欲雨而遽晴甲子欲晴而小雨繇批政

之多有且愚誠之未孚退自省循敢不祗懼尚蘄矜宥變沴為蘇迄俾有年度全民命尚饗

諸廟祝文

六月之雨聖人筆于麟經其不厭數也明矣惟潭之為郡實瀕大江雨未彌旬則怒濤歎薄下田之稼凜乎其可憂况益水之陽瀉山之源以汎溢告而湘陰人以澇聞矣則某之所以奔告致祈者其庸敢後乎惟神至仁早賜開霽庶全一稔以惠我民謹告

諸廟祝文

乃者分龍之望雨神既幸之矣雨足而慮溢又惟

霖之望焉求之於人且厭其數况神而可瀆乎然區區之誠方動於中而杲杲之日已赫乎其在上矣嗚呼神之格思不可度之如此繼自今其敢不愈敬之哉尊酒告虔匪以為報尚饗

祈雨祝文

七八月之間旱從古以來病之蓋良苗之將穉猶嬰兒之欲長膏澤之弗繼猶乳哺之失時命之存亡於是焉在其忍安視而弗以告乎惟神不愛湏臾之勞以林其垂絕之命使民獲有年之賜則吏其敢忘神之功謹告

祈雨諸廟祝文

昔者呂氏之書以秋行夏令為舛漢人論允離之治亦各有其時焉自履素商月有半矣而蘊隆之霽方熾膏潤之澤甚微誰謂九秋乃如三伏陰陽失叙莫甚於斯紕政干和敢不自省惟神赦吏之臯憫民之蓄油然而雨伯非特洗歎煩之氣抑以全豐稔之功稽首投誠立俟嘉應謹告

祈晴祝文

乃者穀方華而旱某以為請而神界之雨矣今者穀成而雨某又以為請神其可無意乎蓋前日之旱

猶嬰兒之失乳今茲之雨猶飽而將疾二者俱危道也然吏知其危而憂之而已若夫憂之而人能揀之非神其孰望乎今事勢亟矣一日之雨則禾有一日之傷如拯溺然不可緩也惟神毋愛須臾之勞而賜以旬日之霽使民不失終歲之望神亦無廢前日之功謹告

謝晴祝文

秋大熟未獲方興銍艾之功雨三日為霖懼失豐穰之望爰潔齋而有請荷慈憫之亟從開靈麓之疑雲煥扶桑之麗景霽逢甲子獲寬傷稼之憂時近孟冬

行畢條場之役敢申祗謝仰荅殊恩尚蘄彌月之晴
迄保有年之慶臣某無任激切感荷之至謹告

祈雪祝文

考諸傳記雪為五穀之精故盈尺之瑞可占豐年非
苟然也比者消選副辰將有祈於祠下而誠意甫啓
嘉應遽形玉霰繽紛疇不欣覩是用易祈而謝因謝
而祈願於臘前錫以三白拜神之惠其曷敢忘

祈晴祝文

迺自季春以來霖雨過度頗聞田里之間穀已播而
厄於寒蠶方育而病於濕二者皆民之大事一或失

望將何恃以為生况穀價不平物情正鬱而陰霖弗
止憔悴可知此某所以憂愧怵惕而有祈於神也惟
神之威靈揀此宜無難者回淑氣於暮春闡新晴於
甲子使憔悴者頓釋而憂愧者亦以少紓其敢忘神
之大賜謹告

祈雨祝文

詩曰芄芄黍苗陰雨膏之言苗之方盛非雨無以滋
之也况仲夏之月其節曰芒種其候曰分龍必潤澤
以時則豐穰可卜農書之占厥有常驗此某之所以
奔告於神而不敢後也自春以來民困貴糴今數月

矣吏雖百方以救之未能大有濟也惟入梅之後與
分龍之日膏澤應期而至則民之蓋藏者盡出糴賈
不抑而自平此在神一舉手之功爾矜民生之久困
察吏術之已窮惟明神其垂意焉幸甚謹告

謝雨祝文

比以農書之占曰芒種曰分龍於望雨為尤切用敬
禱于有神迺丁未遂雨甲寅之後三日之間又連錫
以雨鉅室之藏於是乎稍出而豐年之應於是乎可
期荷神之施腆矣維嘉穀之方苗猶穉兒之仰乳願
神不倦于賜而有以終之使久困之民早遂一飽之

樂則吏之所以圖報者其曷敢有忘尚饗

仰山祝文

惟山之威靈德澤肇於大江之西而延及於重湖之
南有衆恃之以為司命屬者征行厄於風雪過袁之
日有謁于玉霽景端開遂以善達惟時湘土離宮在
焉賴神之休自此焉始鞠躬拜謁其敢不虔

真武殿祝文

於皇上聖威神在天誕降福澤于民俾有寧宇其之
祇事為日久矣叨恩分闡而靈宮在焉跡事之初敬
伸謁歎江湖之間沴氣易作尚惟慈憫弭於未然區

區之誠仰斬昭鑒

祈晴祝文

比以霖雨過期煖氣弗効用祇謁于明神荷神之仁
不以為瀆煥晴光於甲子回淑氣於暮春凡某所求
厥應如響顧何以得此於神哉惟時細民方苦貴糴
併斬矜憫密運化機俾氣序之不愆則蓋藏之畢出
惟神其終念之

諸龍潭祈雨祝文

迺者甲寅以後之雨距今甫半月耳炎風烈日相為
煽薄故雖下田之水亦有竭告者况高仰之地乎吏

有從田間來者以為數日不雨則多稼可虞自聞祈
言膺肺如灼蓋民之寤於貴糴于茲半載矣盼盼焉
惟早稼登場是望以紓其困以拯其急者非常歲比
也今嘉穀方苗而膏澤弗繼一或失望其將柰何此
其之所以痛心疾首而有禱于龍君之靈也郡紱所
縻不克躬詣而遣官以前惟龍君之神變迅速興雲
雨以澤萬物直一嘘吸間耳以一嘘吸之勞而可以
救數十萬生靈之命龍君其肯靳乎敢再拜以頌

上封雷池祝文

迺者尉掾之行已控忱詞請命於龍君矣區區悃誠

尚慮未徹謹洊遣簿正以前蓋信宿以來旱氣熾熾益甚前日大田多稼凜然可虞龍君而不亟拯之則後雖賜雨將無所及矣幸哀而憐之不惜一嘔吸之勞而全數十萬生靈之命龍君之功之德所以簡於上帝者又將如何哉敬再拜以俟

請水祝文

間以旱勢可憂遣官致禱于靈湫矣小州曰今旱氣

日熾其為可憂又甚於前念非躬禱不可印綬所縻

願莫之遂是用恭迎靈湫之水安奉于郡庭中洲曰恭迎神

位伏願章示威神使油雲鬱興陰風慘變從車蓋而

來崇朝之頃霈為大雨則龍君之有大造于茲土也其可以限量計哉其謹帥吏民敬共以俟

零陵王廟祈雨祝文

惟王之威靈著于湘土其知所敬仰久矣歲時禱祀諉諸有司而不以身親焉則其之臯也今旱勢其酷群情矻矻學校之士以為王於旱潦之求無不響答特未嘗顛有請而已其是用矍然為愧且懼俯伏祠下控誠而拜禱焉幸哀斯民亟賜以雨使歲事獲全而人無流莩其所以圖報於王者其曷敢有忘

西濟王後殿祈雨祝文

維聖母有池靈變甚異見於 崇寧間守臣李閱之
記屬茲亢旱群情皇皇而此邦之民乃有以刻文來
告者其甚恨知之不蚤也謹命幙僚恭伸禱請伏惟
慈仁亟彰嘉應使膏澤隨霈嘉穀獲全則其所以答
靈休而侈神貺者其曷敢不虔敢再拜以請

南嶽火德星君祝文

比因亢旱虔致禱祈恭遇南方火德執法星君正臨
軫宿下照長沙臣已卜日躬修醮謝冀蒙福佑潛弭
旱災而臣適有瘡瘍之疾未敢祇謁高真謹令儒林
郎武安軍節度推官趙希憲先詣殿庭代陳忱悃伏

望聖慈俯賜矜憫推旱魃於熾張之際霈甘露於愆
亢之餘俾歲事獲全民命可續嘉與闔境王靈共拜
更生之恩謹俟疾平亟酬忱願仰祈聖察

社稷風雨雷神祈雨祝文

天久不雨良苗將稿吝吝下民大命近止肆陳菲薦
力請于神膏澤沛然恭俟嘉應

岳麓湘江祈雨祝文

諸侯之職當祀山川

岳麓云靈麓山魏
江湘云湘江洋洋

此土之望肇

新增壇亦既訖工屬茲亢賜敬伸禱請雲興膏寸澤
洽一方願彰厥靈以拯民命

諸廟祝文

在詩有之旱既太甚蘊隆蟲蟲又曰旱魃為虐如悛如焚昔蓋聞之今乃親見咎由牧守民為何辜以神之仁非無意於濟物者而懇祈屢矣迄未之應毋乃天数流行有非神所得專者乎采諸衆言惟碧王之醮功力最大已消良日祇按冲科螻蟻之誠懼難上達願神哀此下土函控請于昊穹庶幾回眷佑之仁而膺潤澤之賜使大田多稼不至甚損而生靈之命尚或可全所以圖報於神者其曷敢有已

祠山忠靖祝文

維帝威靈蓋已受命穹昊為百神之宗其於拯旱救致雨澤非難事也迎奉以來幾兩旬決嘉應屢而膏施尚屯意者公庭煩渫之地非神之所安是用還于靈祠就伸禱請

諸廟祝文

自龍君之來境內之雨者屢矣然潤澤則有之而需洽則未也或謂龍之為神動則升霄漢靜則安江潭公庭之煩渫非所樂也是用還于靈湫五龍安濟就伸禱請今旱勢極矣蚤稼之傷者已不可復全而下田晚稻苟得一雨霈然充溢則尚庶幾中熟之望龍

君亦何靳一噓吸之勞而不以拯千萬人於溝壑乎
菲薦肅陳以寓誠意尚惟歆饗亟副所期

洞陽 昭潭祝文

問者旱暵為虐既靡神不舉矣采之衆論乃白威靈
之章灼莫洞陽昭潭若願未嘗致請焉此其不敏之辜也
是用諏僚屬以往拜于庭而遣之區區此心蓋已飛
馳於靈湫之上矣今旱氣如焚耗斲已極而奔霆走
電大需甘雨在龍君之力為無難願以一噓吸之勞
而救千萬人溝壑之難非惟斯人蒙澤吏亦與受賜
焉圖報之典不敢忘也謹再拜以俟

社稷以下祝文 城隍山 川同

間者將用道家法致禱于紫微太乙之尊念螻蟻之
誠未易上達也則有謁于神願為請命吳穹亟賜之
雨越孟秋戊戌陰雲鬱興膏澤密布實維明神陰相
之力然旱乾既久滲漉未深雖槁苗少蘇而溝塍之
水則涸竭猶昔也立秋之期近在旦暮事勢亟矣及
今而雨足則早稼之未損者猶可全一或少遲則晚
苗之方茂者亦告病矣危機交急莫甚斯時是用不
避瀆煩復伸懇請以神之仁必不忍為賜之不竟也
敢跼蹐以俟

五處龍王 上封雷池祝文

比繇糾政召致旱災有謁於龍君之靈龍君數不以
為瀆曰是知過而能自儆者也入秋以來屢賜之雨
雖早稼或虧而晚苗甚茂儻白露之前更賜一再之
雨則歲功畢矣謹命僚屬且謝且祈龍君之仁其尚
念之

祭龍壇祝文

比以時澤未決古之雩祀有所謂象龍致雨可考蓋
三代之禮也乃立壇壝將徧象五方之龍而致禱焉
自北而東雨已隨之嗚呼其亦可謂靈也已肆命邑

長祇謝于神白露之前更靳其靈迄為有年則其
廟而祀之不敢忘龍君之德也

諸廟謝雨祝文

比以亢旱有禱于神入秋以來屢霈甘澤雖蚤稼少
損而晚禾勃興神之為賜大矣不腆菲薦于以告虔
尚惟終惠迄遂中熟

諸廟祈雨祝文

乃者蚤稼將登既厄于夏旱矣今晚苗方盛而雨復
不時是猶尪羸之人一疾未瘳而再疾隨之也嗚呼
此豈明神之所忍邪甘霖沛然一洗枯槁在神特指

顧之力而民免溝壑之憂再拜以祈上俟嘉應

諸廟謝雨祝文

比以嘉穀將登雨弗時至用有謁于明神誠意甫殫
孚答如響霈然膏澤高下均霑神之為賜盛矣今距
收刈之期尚隔旬月惟無暴風無淫雨則晚稼有十
全之功斯民遂一飽之樂神其終惠之幸甚

佑聖祝文

欽惟佑聖茫茫一方雨暘之祈適應如響一新殿宇
庸答霖霖工後方興不無震動惟神宥相迄用有成
保安赦祭諸廟祝文

聖皇臨御餘三十年翼翼小心對越無媿茲愆調

率土驚欽憂奉祭書禱于靈嶽諸廟云願言降監

格云降密佑聖躬即遂清寧以福方夏

起慶筆書堂告土地祝文

其惟此山得名自江憲公始先正揚文莊又嘗讀書
于茲其也不材敢望前哲屬以屏居窮巷思得山林
閒曠之地以為藏修息遊之所而僧以是告捐田數
畝質而為草堂揆日之良肇庀工役朽材腐瓦苟以
集事惟神默相亟臻厥成謹告

祭大仙祈雨祝文

真西山文集卷之五十三
百五十八
嗚呼噓風霆噴雨霧變化倏忽莫如南臺百丈之山
而普照靈澤寔以帝念典司其間夫以佛道之尊仙
道之大固萬靈之所聽命而巖洞之幽邃湫淵之深
窈又神龍之所蟠且其百數十年以旱致禱者莫不
猶響之斯答未嘗有如今日之艱豈佛與仙之仁無
意於拯此土之厄乎抑天時之當尔而天意之未還
嗚呼昔歲之饑民病極矣雖去冬一稔曾未蘇其瘼
癡僮或再歎則顛連於溝壑歎呼於山谷殆將何所
不有豈容一日之少安然則今茲之豐凶乃民命存
亡之決而賜雨之淹速則又豐凶之所關此某之所

以望雲霓而涕泗瞻原野而辛酸也吾佛與仙之仁
於此而不亟拯則是真斯人於度外而坐視其塗炭
昊穹至仁必不忍以萬物為芻狗吾佛與仙儻為斯
人而力請則天意一回化驕陽而為霖雨殆猶反掌
之非難嗚呼事勢迫矣民望極矣吾佛與仙真之拯
不可不亟矣是用寫哀誠而嘑懇敢罄竭其肺肝興
玄雲之飄飄沛大雨之瀰漫起禾稼之將枯洗瘡痍
而復完則某將大書深刻于巖石之上昭聖功之不
刊嗚呼謹告

再祭大仙祈雨祝文

鳴呼旱勢酷矣三日不雨則高下之田蚤晚之稼皆無遺育矣方耒之禍將無策以拯而生民之命不可以復續夫以普照靈澤之仁寧顧愍然于此今翠峰龍君之耒衆聖咸集豈不能力回造化而為一方生民之福敢殫誠以致祈冀響應之遄速也謹告

三廟祝文

其奉祠竊粟無補秋毫茲叨誤恩復臨舊郡控免弗獲消吉問涂惟神默相此行俾長幼均安道路無虞剋郡之日舉措適宜利澤及物前有粗立之效鄉閭寧謐災沴不生後無卻顧之憂則拜神之賜大矣不

酒穀具將誠意

武濟廟祝文

昔者漢室龍興王實舉百粵之師佐寬仁之主滅強暴之敵措天下于天安功烈偉矣廟食閩中垂二千祀而護國之忠庇民之惠益有加焉比歲盜起汀樵一道震駭盪除兇孽雖王師致討之力而默扶陰佑賴神之賜為多駿騎騰山緝烽螫賊靈應彰灼有不可誣者其猥以非材分符舊服維泉為郡實王統臨之下是用虔脩謁款控露寸衷尚惟慈仁宥垂鴻覆俾封域晏寧菑害寢息或有為民禱請者當比鄉祠

庭而扣豕焉一念之誠當蒙昭答不腆牲醴維以薦
忱

五龍堂祝文

五龍之祠於祀典為最重某之至也嘗命官僚分謂
而未克躬拜于庭屬以霖雨過度惕然不敢寧訊之
悞屬謂王神靈變化莫測所當先禱焉用敢齊心有
請願王以一噓吸之間豁開陽明屏除陰沴留此嘉
澤以時施焉庶幾穰苗獲全豐歲可望某與邦人將
戴施於無窮其曷敢忘報

洛陽橋祝文

某蒙恩分符再涖南土適當凋瘵之極未知振起
方唯當誠意正心克已勵行極民如飢溺遠利如垢
汙期以暮年盡銷愁嘆儻或有渝斯志不敢復度此
橋

又

某之始至嘗有矢言在官暮年刻勵唯謹雖煩苛粗
省而惠利未周回省初心媿負多矣叨恩有行未離
本道苟可以范吾民者不敢不力惟神其終相之

西峽江祝文

某携家之鎮宵濟于江若時之春風濤方壯惟神嘿

祠如席之平不腆醪羞將此誠意

蓋竹廟祝文

某叨恩出守舊郡是臨道于靈祠敢陳菲薦惟王嘿
佑俾征涂之間災疾弗作到郡之後舉措適宜民俗
安安舊觀以復庶無負朝家起廢之意異時代還謹
當俯僂以謝靈貺

南劍州判官聽土地祝文

某少遊幕府寔藉神庥由此登朝浸叨華貫十有六
年之間兩守泉南皆謁款於神示不忘本也不腆牲
酒于以告虔神其聽之介以景福

水口鎮廟祝文

某祗戍泉山道出祠下將就舟楫以達于大義之津
惟神威德被于遠邇頌垂洪覆俾順風安流無有驚
阻則蒙施大矣不腆牲酒于以告虔明威赫然尚其
顧享

泉州謁先聖祝文

某昔歲守泉慚無善狀茲由問散被命復來或謂舊
政則易乎舊民則易治嗚呼聖門之教一曰敬二曰
敬况以千里提封之廣萬民宅生之重而可以易眡
之乎先儒有謂近世之臨舊鎮者政聲率不逮前由

其有易心也矧其之愚其敢少忽競競朝夕若履春
冰庶幾萬一或免于矣於皇元聖尚式教之

東嶽祝文

某昔者守泉首末三年年穀洊登寇攘寢息公私少
事遠近晏然豈某之智力能致是哉寔神大庇斯民
而錫之福也今復被命此來惟庶惟仁惟公惟勤所
以自勉者不敢不用其至若乃人力所不及神其嘿
佑之俾二氣均調百嘉咸遂田野安妥穢塵不警豈
惟某之踈拙獲免厥愆斯民實被如天之施

朱文公祠祝文

某按自少讀先生之書知理之與事同出一源而
明德者固新民之本也二十年間洊更麾節亦知勉
乎此矣然窮理未精故應事多舛明德之功未至而
求民之新得乎被命重來益深祇懼尚思自勉庶有
進焉

忠孝祠祝文

某昔者試郡立二公之祠于此慕而效之蓋將終身
焉去之暮年而執親喪不敢忘致哀之誼入踐近班
兼陪經幄亦思盡責難之益忠孝大端粗知自勉揆
之前修可媿寔多被命復來式瞻遺像高山景行有

慨于中酌以一卮凜然興敬

蔡忠惠公祝文

惟公兩牧是邦德政在民至今未泯某寔何人亦叨
再至緬懷遺跡可效可師朝夕恪恭庶幾萬一

王忠文公祝文

公之守泉才閱歲爾而德政在人有百年之思間者
祠宇之修葺為之記蓋嘗妄論一二矣茲由間館再
玷守符緬懷清風益加敬慕九原可作非公誰歸

西山先生真文忠公文集卷第五十三

西山先生真文忠公文集卷第五十四

祝文

諸先賢祠祝文

某昨叨守符慚無善狀茲由間館被命復來惟公德
愛在民如古循吏緬懷遺範可效可師朝夕恪恭庶
幾萬一

韓忠獻

云改

惟公以有宋元臣寔生此土

趙丞相

云改

惟公以中興元臣寔生此土

游御史

云改

惟公道盛德尊嘗居元幙

社稷祝文

惟神五行之主百物所生邦之群祀莫此為重維春
之戍祇薦吉蠲歲稔民安繫神是賴謹以后土勾龍
配

稷神祝文

惟神寔生百穀育我群黎爰以仲春恪修常祀田功
方舉土脉未膏澤洽歲豐頤垂嘉應謹以后稷氏配

后土勾龍氏

惟神平易九州功垂萬古共在郡國典祀有常敬共
以陳豈云故事併祈靈貺膏潤下民

后稷氏

惟神播種百穀粒我丞民配天之功振古無匹恪恭
修祀敢曰故常俾歲大豐于神是望

北山祝文

按祭法九山林川澤能興雲雨者謂之神有崇北山
實應斯典其昔叨假守九有禱請未嘗不先焉曰雨
曰暘殆猶響答今自首春以來雨不時若者幾四旬
浹矣田事方興而膏潤未洽某日夜念此如惓如焚
惟神屹然尊雄為一州之鎮歆雲泄霧嘯吸雷雨直
反掌間耳是用修舉舊典以有謁于神願矜其誠亟
賜嘉澤使耕稼以時而豐穰可望豈獨邦人追溝壑

之厄其亦與被丘山之恩謹告

祠山祝文

昔某之在江左也值王誕彌之日必致敬焉今者再
守溫陵祇事之初蓋嘗遣官代謁于祠下矣而未果
躬造也仲春上弦時維陽中毓聖降神實在此日庭
訟方殷展謁未皇敬以瓣香肅將誠意農方望雨王
其念之俾清明之前膏澤霑洽于耜舉趾得以及時
某當涓日以拜王之賜其敢不虔謹告

春祈諸廟祝文

古者祈報之禮社稷而已後世徧及於山川百神之
祠蓋有功于民固不容畧也惟神廟食茲土亦既有
年方春致祈專為農事甲申之々雷雨作解固足慰
三農之望矣自今以往曰雨曰暘必以其時然後豐
穰之慶可卜惟神其幸惠之不腆醪羞具將誠意

社稷神祝文

古者諸侯之祭惟社稷而已蓋稷非土無以生民非
稷無以農重社稷所以重民某叨恩來守禮當祇謁
其敢弗恪尚惟嘿相俾大有年

風師

某入郡之初嘗謁于社稷矣而未知風師之有壇也

立春之後方修祀事而國有卹典不及躬陳與獻而以官僚代之每廩然不自安也謹涓穀旦按視壇壝且花工徒稍加繕修惟神當此春和扇溫厚之仁以成生育之化吉蠲之報其敢弗虔謹告

雨師

某八郡之初嘗謁于社稷矣而未知雨師之有壇也茲涓穀旦躬修按視之禮且命僚屬稍加繕治惟今農事方興而嘉澤未應某竊懼焉願神賜以霖沛繼以優渥且霑足焉俾歲大豐而民有生意則吉蠲之報其敢弗虔謹告

雷師

某八郡之初嘗謁于社稷矣而未知雷師之有壇也茲涓穀旦躬修按視之禮且命僚屬稍加繕治惟今啓蟄既久而霆聲未發某竊懼焉惟神當此六壯之月誕推作解之仁俾百果草木無不奮張而泉源之竇流通衍溢耕稼以時迄成豐歲則吉蠲之報其敢弗虔謹告

聖妃宮祝文

某猥以非材再守茲土實惟神芘是依今者凶狡之徒方舟南下所至剽殺重為商旅之害某既調兵以

逐捕矣於惟聖靈丕赫振耀凡航海之人仰恃以為
司命是用祇遣官僚敬伸忱禱昔者戊寅之役蓋嘗
賴神以有濟今舟師追賊行且相及正仰資聖力之
時惟神執紼之維之使不得遁王師大捷一網弗遺鯨
波晏清如行枕席之上皆神之惠也某之報謝其
敢弗虔謹告

海神通遠王靈著王祝文

大海之神比者溫明之寇來自北洋所至剽奪重為
民旅之害舟師致討稍挫其鋒而餘孽尚蕃也儻弗
即撲除則其縱橫海道未有窮已某既大集官民之

兵俾往迹捕然鯨波浩渺實為危道非神力助順
能必濟是用一誠遙祝且委官僚致少牢之薦以乞
靈于大神伏惟擠狂寇於立敗之途導王師以必勝
之機使一網盡獲庶幾萬舶安行群生嘉賴某之所
以圖報於神者其敢弗虔

通遠王靈著王

但改委官僚一句云且委邑令致禱于祠下伏惟
云云

社神 稷神 后土勾龍氏 后稷氏

風雨師 雷神祝文

社稷穀雨之雨閱日幾何高田已乾良苗將瘁是用
震懼奔告于神瀕海之邦土脉剛燥一雨十日霽然
溢流滲之漉之庶克有濟造化之妙咄嗟可能神其
哀恫是拯是救謹告

諸廟祝文

田之甚畏者莫如旱而旱之可畏者尤莫如春蓋播
殖之功於是乎始雨不以時則種不得入豈非甚可
畏者乎泉為瀕海之邦厥土剛燥五日不雨則高田
告病十日不雨則雖膏腴之壤亦索然矣今自穀雨
以至于今霽色彌旬田之告旱宜也某濫尸郡綏無

善政以和陰陽致此災沴然罪在守而不在民守誠
有罪不敢辭罰若春種弗入一歲之功於是乎已生
靈之命將委溝壑是豈明神之所忍哉吁嗟以祈恭
俟嘉應謹告

惠安縣管下聖妃宮祈雨祝文

乃者穀雨以來嘉澤弗繼某既徧祈郡望矣雨意屢
作而未即霈然惠邑之士有言龍宮之山聖妃之祠
靈響甚著鄉人父老方奉九座真如之像就致禱焉
以郡守閱雨之誠儻致辨香為民有請無不獲者是
用控露忱辭遙伸懇款且委邑尉代謁于祠下夫以

聖妃之神靈濟而以佛菩薩之慈悲甘
生靈之急必將如拯焚溺願不惜嘔吸之力使一雨十
高原下隰無不被優渥之施闔郡七邑俱為豐年則某之
所以圖報者其曷敢懈謹告

北山神祝文

間者庚申以閔雨有祈于神繼是日登北壙之樓望
名山而控鰲烏荷神之慈賜答如響乙丑之脯霑然
而洽平疇賴以滋溢良苗為之奮興然謂之霑洽則
未也是用再詣半山稽首致祈願先小滿而潤澤豐
不待芒種而播執畢度幾一稔可期而民免流莩戴
神之德其敢弭忘謹告

惠安縣龍宮山聖妃祠等再祈雨祝文

其間者以閔雨修祠遣邑尉代禱祠下而其拜于庭
以送之鄉之士有馳報者謂祝祠甫至而其靈隨霈
不疾而速有如此者其不勝興敬維瀕海之邦厥壤
剛燥比雖得雨而風日炎燦潤澤易竭種執猶艱一
或失時後雖甘霖相續亦無及於事矣十萬生靈之
命安危存亡決於朝夕豈細故哉是用命邑宰敬致
菲儀就屬鄉士再伸忱禱伏惟英烈之神靈正覺之
慈悲實亟圖之一雨十日俾土之瘠者肥而苗之萎

者茂環地千里俱為豐年則某之所以謝靈貺者其
敢或後謹告

東順正 西明烈 明德王祝文

城隍之有神州郡之有守幽顯雖不同其食於民則
一也夫既食民之食則當憂民之憂此某於今茲之
旱所以惶懼怵迫而有求於神也守之憂民如此神
之憂民其可已乎然守能憂之而不能救之能憂而
又能救者神也今旱勢極矣神於是焉而不救則苗
將枯槁以死民既之食必將飢餓流離以死神其忍
之乎夫人與天未能無間者也某之愚猶欲籲天以
揀之神與天本無間神為有請于天而賜之雨顧不
甚易乎以神之靈之仁必能哀恫斯民而思所以揀
之者用敢頓首以請謹告

龍湖祝文

龍湖之神廼者季春以來雨弗時若幾於靡神不舉
矣雖蒙響答終數刻而止田疇之槁猶自若也謹按
圖志晉邑之南龍湖在焉淵渟瑩徹周數十里蓋有
神物宅乎其中湖上有祠靈應夙著某以城鑰之守
弗克躬造而命邑尉往致祈焉謹拜于庭遙致忱悃
伏願油然而雲興霈然而雨注以震耀龍君之威靈

真西山文集卷之五十四
俾歲有秋而人弗告病則其之所以圖報者其曷敢忘謹告

龍潭

龍潭之神前同謹按圖志常逮之里龍潭在焉赤虬之異著自疇昔其以城鑰之守餘同前

朋山廟祝文

朋山感寧王前同謹按圖志朋山清源實為此土之望天降時雨則雲氣必起於二山之顛屬茲旱暵宜控忱請其以城鑰之守弗克躬造而命邑官往焉謹拜于庭遙致悃悃伏願油然而雲興霈然而雨注以彰

爾神之威靈俾歲有秋而人弗告病哉其之所以圖報者其曷敢忘謹告

紫帽山

紫帽山威靈顯應王前同謹按圖志紫帽之山實為此邦之望而神食其地靈應夙聞屬茲旱暵宜控忱請其以城鑰之守前同

飛陽廟

飛陽廟顯應王前同謹按圖志飛陽之廟靈響夙聞屬茲旱暵宜控忱請其以城鑰之守前同

同安縣昭應廟祝文

勅封善澤侯 善濟侯 善貺侯 善利侯 善惠侯 善祐侯 迺者季春以來雨弗時若幾於靡神不舉謹按圖志昭應之廟神龍宅焉洞穴深沉杳不可測昔者命書之始至也乘雲擎空衆共覩焉屬茲旱暵宜控忱請某以城鑰之守同前伏願油然而雲興霈然而雨注以彰我龍君之神靈俾歲有秋而人弗告病則某之所以圖報者其曷敢忘謹告

南峯潭祝文

南峯龍潭之神同前謹按圖志南峯有潭神龍宅焉昔在淳熙有令嘗禱雨于是隨獲甘露靈響著聞屬

茲旱暵宜控忱請某以城鑰之守同前伏願油然而霈興霈然而雨注以將我龍君之神靈俾歲有秋而人弗告病則某之所以圖報者其曷敢忘謹告

龍潭祠之神

同前謹按圖志佛嶺有祠下瞰龍潭靈應彰灼屬茲旱暵宜控忱請某以城鑰之守同前伏願油然而雲興霈然而雨注以震耀爾神之威靈俾歲有秋同前

石鼓神祠

石鼓神之祠同前謹按圖志石鼓之祠靈應彰灼屬茲旱暵宜控忱請某以城鑰之守同前

白馬仙祠

白馬仙之祠 同前 謹按圖志白馬之祠靈應彰灼屬

茲旱曠宜控忱請其以城鑰之守 同前

古潭五龍廟

古潭五龍廟之神 同前 謹按圖志古潭之側故有神

祠實曰五龍靈應彰灼屬茲旱曠宜控忱請其以城

鑰之守 同前後

龍湖廟

龍湖廟之神 同前 謹按圖志麗碧之山龍湖在烏白

雲覆顛則雨立至屬茲旱曠宜控忱請其以城鑰之

守 同前

佐溪潭

佐溪潭之神 同前 謹按圖志佐溪之潭石竇窈深神

龍攸宅屬茲旱曠宜控忱請其以城鑰之守 同前

福遠廟祝文

福遠廟諸位龍王乃季春以來雨不時若幾於靡神

弗舉矣而旱氣彌烈竊意廟貌之靈有當躬禱而未

及者矣考按圖志惟神之居於方為東所主者生於

位為辰其象為龍 紹興中守臣因旱以請又有變

化飛騰之異其昔在 嘉定亦嘗致禱而有獲焉昨

者僅命官僚而未果親謁此其之罪也是用涓日之
良頓首庭下顧廟雖有號而封爵未崇願神昭示威
靈隨禱立應霈然大雨盡起欲稿之苗轉凶為豐活
我黎庶則其當顯白于朝袞服命圭以為神之報茲
言弗爽天日實臨謹告

祠山祝文

正佑昭顯威德聖烈王 同前 考按圖志惟王聖德神
功被于遠邇四方郡邑莫不有祠而泉之祠尤閎且
麗民之恃王為命也久矣間者僅命官僚而未克親
謁此其之辜也是用涓日之良頓首庭下惟王哀

斯民而亟救之俾無餓莩流離之厄則吏與民均荷
王之賜其敢有忘

廣佑廟祝文

明應威信廣佑福善王 同前 惟王嘗守茲土遺愛在
人雖大振厥靈于樵川然惓惓此邦必不容釋者
僅命官僚 餘同
祠山

北山神

其自仲春之六日以閔雨有祈于神信宿之間賜答
如響及季春以來艱祈者再而賜答乃若少緩焉然
所謂當小滿而潤澤豐未芒種而播藝畢則亦未當

不如所禱也荷神之休極此民命謹再拜以謝且將相攸吉壤以麗壇壝之奉焉惟神益彰厥靈俾梅雨時至載優載渥載沾載足使高原下隰無不稔之田則其之所以敬事神者其曷敢有已謹告

社稷四位 三城隍謝雨祝文

間者以旱暵有禱于神越翼日遂雨又彌旬而雨大摯遂告足焉種藝之事得以及時是用俯伏壇壝以謝神之貺惟閩之俗以梅雨多寡而占歲之豐儉願神哀矜斯人而幸賜之俾芄芄之苗賴以蔭養方苞穎粟迄于有成神之惠也民之福也其之大幸也其

曷敢忘報謹告

諸廟謝雨祝文

比以旱暵有禱于神曾未逾旬雨遂告足種藝之事得以及時是用祗遣掾屬敬伸謁謝之禮梅黃而雨茲惟厥時願神之仁錫以終惠俾大田之稼迄獲有秋報事有常其敢不恪謹告

祠山 廣佑王 福遠廟謝雨祝文

間者以旱暵有禱于王是夕之雨霖沐達旦又彌旬而雨大摯遂告足焉下同城隍祝文

福遠廟改云神之惠也封爵之請其敢或渝

外縣諸廟及龍潭祝文

比以旱暵有禱于神下同諸廟祝文內改掾屬作邑僚

祈風文

惟泉為州所恃以足公私之用者蕃舶也舶之至時與不時者風也而能使風之從律而不愆者神也是以國有典祀俾守土之臣一歲而再禱焉嗚呼郡計之殫至此極矣民力之耗亦既甚矣引領南望日需其至以寬倒垂之急者唯此而矣神其大彰厥靈俾波濤晏清舳艫安行順風揚颿一日千里畢至而無梗焉是則吏與民之大願也謹頓首以請

聖妃祝文

天下之至險者莫如海道而至不仁者莫如盜賊以至不仁之徒而憑至險之地其為生靈之害可勝計哉某再忝郡符方將與民相安於無事而自春徂夏寇至再為前者自北而南僅能小挫其鋒今復自南而北儻不大懲艾之則方來之患未有窮已是用糾合熊虎之旅俾往殄鯨鯢之群惟聖妃神靈烜赫允航海之人賴以為司命是用有謁焉導王師以必勝之機而濟狂寇於必敗之塗如前日之所禱者非聖妃其誰望敢俯伏以請謹告

社稷神風雨雷師壇祈雨祝文

六月之雨春秋書之于冊蓋喜之也以六月之雨為可喜則其不雨之可憂明矣比自甲寅以來雨之弗繼者兼旬于此芄芄之苗無以膏潤其憂顧不大矣乎既以籲于天文將懇于神而洞酌未伸嘉澤已霈蓋為之喜而不寐明發夙興敬拜于壇壝之下為民而謝且為民而禱焉浙玉炊薌數日以俟惟神終此大惠俾吾民均遂一飽之樂豈不休哉謹告

社稷神風雨雷師城隍諸廟祝文

春秋之交雨以時至此豐年之祥也然適中則為美

過度則為災矧早稼在田刈穫方興而霖淫弗止豈不妨良農之功而損嘉穀之實乎是用祇命官僚赴懇于神伏惟賜以兼旬之霽使畢收成之事而後錫以嘉澤焉其之望也邦人之幸也敢頓首以請謹告

北山神祈晴祝文

昔者稻方播而雨不時屢以懇于神神不以為瀆而賜之雨矣今者稻方收而雨過度舍神其誰懇乎是用冒霖淫而陟嵯峨為民有禱焉惟
之靈開闔陰陽卷舒雲雨直嘯吸間爾伏惟察其為民之誠而即賜之霽非惟大田免淪沒之患而斯民亦追昏墊

之虞荷神之施豈有涯哉俯伏以請謹告

社稷神風雨雷師城隍諸廟祈晴祝文

迺者陰霖不止岌岌乎害稼之憂賴神之靈隨禱而霽是神有大造于斯人也繼自今願終其賜焉訖處暑而晴入白露而雨晴不過於亢雨弗至於淫則大有之年指日可待若時秋報其敢不虔謹告

北山神祝文

間者禱霽于神逾蒙響應今茲又闕雨矣捨神其安懇乎斤雲鬱興霈澤千里神之所易易者敢頓首以請謹告

秋賽諸廟祝文

歲事告登民獲一飽哩田造化繄神之功報祝以時不敢不恪尚祈全護俾成厥終

慈濟廟

自春以來民鮮疾癘導蘇太診繄神之功

下同諸廟

惠安成應寧濟廟祝文

惟神正直聰明默佑一邑 聖朝嘉獎申錫贊書威靈益章遐邇蒙福 某假守于此密藉神庥敢薦菲儀具昭誠意

謁姜相公墓祝文

鳴呼建中貞元之相垂二十人而以清名直道標耒
百代者公與陸宣公而已公謫于泉陸謫于忠皆不
果召而沒天豈無意於忠臣乎何其厄窮至是也嗟
夫靈均弗遷環辭孰傳曲江既死勁節愈偉是則天
之厄公也乃所以榮公也歟疑疑姜公嶢嶢東峰峰
以姜名千古並崇我再来思而再謂公醉以一厄懷
哉清風

倪尚書祠堂安奉祝文

嗚呼維此桐城寔公桐鄉民奉嘗之沒世弗忘畢方
何知乃煽其毒曾是仁人而不遺以數楹之屋鞠為

不可知者斯民愛公之心歷吉妥靈官僚儼列式瞻
德容共挹馨烈追惟平生猥辱深知而公心粗察其
一蓋嘗竊謂其清如水而澄之不已其直如矢而端
二不昔若范公以頌溫國吁嗟惟公育此二德德
三公而不六施施之以和九牛一釐棟宇告新鄉
少載為民者如復奉其教條為士者當齊以師其
風節我行天下落落少同顧獨仰公屹如山崇蓋不
惟懷子產之愛且深慕汲直之忠舉觴慨然為三太
息百歲之後儻或有知尚願配秋菊寒泉之食尚饗

北山祝文

北山之神間者仲春之辛巳以閔雨有禱于神壬午
遂雨而雷亦發敵自是之後連日皆雨而丁亥之日
迅雷驟雨尤極霏沛辛卯又雨丙申以至庚戌如丁
亥焉至是而一犁始足霽色逾旬農方鼓望穀雨之
且又如丙申嗚呼非吾北山之靈大茫茲土顧何以
獲茲敬卜休澣之辰再拜以謝繼今有望於神者非
一日神之始終庇民者亦嘗如一日焉是則某區區

願也謹告

又

詩以龜蒙為魯邦所瞻惟時泉山亦以方之龜蒙也
其兩叨假守每旱溢輒禱于神無不響答前後四年
歲皆告豐是神有功于民且夤造于某也壇壝將新
而某遂去惜不睹其成即日登涂回瞻巍峩不忘起
敬出為雲雨潤澤千里俾歲以屢熟某尚有望焉

福州謁先聖祝文

惟孔門高第若由之果求之藝聖師固嘗許之以從
政矣而求之所願者方六七十如五六十里而已由
以千乘自許則夫子哂之蓋地廣則難治也民衆則
難安也自子路之賢猶未易勝此况於一介之末學

而遽叨一道七八州之寄豈不甚可懼哉惟脩已以
敬之一言乃先聖示人之要指某也其敢不朝夕恪
共以期無負於大訓有臨在上其曷敢渝

謁先賢堂祝文

惟閩邈在南服而詩書文物之盛軼于中州者以有
牧守為之作興鄉賢為之表倡故也茲堂所祠為位
十有八或以符竹或以粉榆要皆有功於士類者也
其間經術之淵邃德行之超卓名節之巍峩者尤使
人瞻慕而起敬焉某叨恩來守緬懷前哲釋菜訖事
祇謁于庭高山仰止庶幾萬一

濂溪伊川明道三先祝文

濂溪先生周元公明道先生程純公伊川先生程正
公惟三先生之道寔嗣鄒魯不傳之統允今學者知
尊經術知慕聖賢知天理人欲之分知吾道異端之
辨其功有自來矣某叨恩來守敢祇謁于祠庭高山
仰止凜然興敬

晦翁先生祝文

晦翁先生朱文公比歲以來先生之祠徧于寓內某
麾符所至必敬謁焉假守三山實忝師帥之責方將
推崇先生之道以興起士風而采諸衆言以為勉齋

真西山文集卷之五十四
二十九
黃公續承師訓以淑其徒當侑食焉消辰奉安不敢
不告

勉齋祝文

勉齋先生黃公惟公之在考亭猶顏曾之在洙泗發
幽闡微既有補於學者繼志嗣事又有功於師門采
諸衆言奉以侑食英靈未泯必樂於斯

諸廟祝文

恭惟明 天子躬攬大柄誕降詔書一洗積年貪濁
之弊選用牧守分涖庶邦而某不材首叨親擢付以
全閩當端平之元始和 某肇領厥事其敢不朝夕
兢兢精白一心無負選任之意然正身以率下節用
以愛人在 某所當自勉若夫時雨暘弭苗沴則惟明
神是賴非不肖所能及焉是用祇謁于廟庭控此忱
禱惟神其牽惠察之

南臺廟祝文

惟王之功德顯於漢而嗣立於唐凡閩之人尸祝而
社稷之者 某昔守泉山猶展敬庭下以乞靈於王况
今叨鎮于此覆護而扶持之將惟王是賴用不敢委
諸僚屬而必親拜謁焉今之所祈王者大畧有二旱
溢頻年人匱於食徠千艘而平市估時其雨而兆豐

年此其一也江右之盜未平而泉建之師遠戍戎功
早捷而振旅以歸此其二也若未區區一心所欲為
卿鄙之民興悠長之利者亦惟王有以相之使志得
以行而事得以宜使後之人曰以閩人為閩師而不
孤閩人之望者某也是王不獨有大惠於某而且有大
造於閩豈不休哉敢再拜以請

東嶽祝文

古者諸侯祭其境內之山川而已魏魏岱宗邈在東
夏而今之郡國莫不致祠母乃與古異乎蓋其位在
東其德為仁所以佐天地之發育者也覆冒群生其
功大矣故雖不在封域亦得祀焉閩山有祠靈響夙
著臣奉 詔作牧敬謁于庭布宣 上恩臣之責也
若夫時雨暘弭蓄惠使一道元元各有生生之樂則
惟帝是賴非臣所能及也用敢再拜以請

炳靈王祝文

惟王佐岱宗以旻方夏猶六子佐天地以生萬物也
某既朝于帝因以謁王願推仁恩均被一道則區區
之至焉

諸處祈晴祝文

維南山之詩有曰既優既渥既沾既足生我百穀盖

雨之生物也惟足是求既足而過多焉適足以為物
之病此其之所以危懼怵迫而首祈於帝王也夫苗
方穉而窘於寒麥將實而病於濕皆至切之憂願帝王
帝之仁以一嗑吸之力拯而救之開麗象之清明掃
積陰之沈滯俾穉者以長而實者以成其與斯民戴
帝王之恩其何有極

春祈慈濟廟祝文

惟神之與春析自其焉始今茲再叨假守思所以為
民蠲除苛癘匪神疇依是用以不腆穀蔬將此誠意
自春徂秋寒暑風雨晦明或過其度則疾癘生焉惟
神哀痾斯民有以潛弭於未病之先俾皆躋于仁壽
之域則其有功於生靈大矣其之所以圖報者其曷
敢忘

辭先聖祝文

某仰惟先聖嘗言朞月而已可也三年有成夫以神
聖功化之妙猶必遲之三年之久况其之未學乎故
自蒞事以來孜孜汲汲日惟民隱是求嘗白于朝願
久其任而上恩錫召弗容固辭凡所欲為一一有
媿初心多矣然●泗格言則佩服惟謹既不獲盡施
以及民則當恪守以事君勿欺而犯其敢不勉

辭濂溪先生以下祝文

某自少伏讀諸先生之書亦欲見之行事三山鄉部也方朝夕區區勤求民瘼如理家事未能毫髮及人而以予環太矣然諸先生所以教人事君者甚備謹當佩服不敢弭忘願畢此身不渝素節

焚黃祝文

某月日某謹以清酌庶饌之奠并贈告二軸使第某昭告于先考某人之墓曰嗟維先君無何蚤世積善之慶其延後人肆某不才兩塵科目遂玷朝行歲在己巳夫子有事於明堂某以攝太常卿立樂垂下

越歲壬申天子有事于南郊某以攝吏部侍郎奉匏爵六年之間兩遇大慶既叨膳之賜又推恩以及其親於是我之先君始贈為承奉郎再贈為宣教郎漏泉之澤光賁存歿豈曰小子實能之蓋我先君種德獲報之明驗也自頃以來屢祈郡綬冀獲一酌墳土躬展燎黃之儀既未賜俞且叨柱史之擢又稽祭告晨夕歎然南望松楸心如飛旆謹令某代伸敬于墓下明靈未泯尚鑒右之

又

維嘉定十年歲次丁丑三月戊寅朔二十三日庚子

嗣子具位謹以清酌庶羞之奠昭告于先考奉議府君墓前日者天子有事于合宮祭澤之頒覃及中外某以將漕陪部弗獲預駿奔走之列而湛恩下逮不以疎逖而獨遺肆我先君由通籍而有陞朝之贈所以發潛德之光而為敬忠之勸也被命南泉遂有過家上冢之幸謹以詔黃燎于隧道惟明不泯膺受命祉益蕃衍其慶以庇于後之人謹告

又

年月日具位敢昭告於先考二十五朝奉之墓者歲在戊寅聖天子有事于明堂湛恩敷錫我先考實有

朝奉即之賜今五載矣迨今乃始獲燎黃于墓下係修拜掃之禮焉惟靈益垂庇佑使我後人浸以光顯則告策之恩將極其寵榮而後已追想慈範不勝愴然謹以清酌庶羞恭伸薦享

家祭祝文

仲夏之祭以日至禮也某以趨召之迫不獲已先期而舉焉且因展告而辭之禮伏惟尊靈陰相以行俾上有益於國而下不辱其身則某之幸

告先考妣加封祝文

某比者國有煙祀覃慶萬方我先考自即位進三等

而為大夫先妣亦育頌人之命其品數益崇而寵光益盛矣迫於召旨未克燎黃于墓下始即家廟而致告焉伏惟尊靈膺此愍冊益昌厥後以迓無疆之休謹告

崇興祝文

嗣皇帝御極覃慶多方我先室由其宜家之名進令善之號可謂美矣惜其早同於艱難不及生被榮寵此告命之詞所以嘆其窮達之不一也茲叨召擢入筵後班告謁來歸用燎黃于墓下伏祇膺新渥益佑褒封之典方沓來而未已敬陳菲奠少寓厥誠

西山先生真文忠公文集卷第五十四

西山先生真文忠公文集卷第五十五

祭文

祭趙制置文

故制置端明尚書趙公之靈惟公剛毅之資清修之節堂堂山立為世偉人卧護荆襄追迹羊陸獨當一面迨逾十年如虎在山如熊當道種酋遠遁逸塵弗驚近世儒帥殆鮮其匹宜陞樞筦遂督戎師星隕中營聞者驚嘆膺揚枚楚弗究厥成某之於公欽鄉惟舊茲來假守實在寓鄉緬懷英風遽隔泉壤載陳簿奠慨然于懷

祭譙大卿文

嗚呼維乾之元實 萬物化育流行終始惟一存而
在人則謂之仁心 之於政則謂之仁術上而有國
有家所以維天命於延洪下而育民有社所以遂群
生於寧密未有不由此焉出者何歟譙公世之德人
溫黜容則惠風愛日抑抑其儀則威鳳祥麟作牧于
江民瘼以蘇按刑于浙縲囚以虛歲行在亥旱魃為
孽大江之東菑患尤烈維我與公並將斯指戮力一
心極民於死公尤切切終食靡遑挽之溝壑寘之康
莊聿來吾閩亦師是道飫饑藥羸醒暘滋槁侈養為

娛臚仕所同獨安澹泊散羞靡豐燕游相夸薄俗所
尚獨劬其躬不少怠放持牒在廷紛紛綸旁午康色
使前若語兒女公之庇民如視其身民之安公如怙
其親疾既瀕危猶勉自力朝續方披暮篲已易仁哉
譙公死不忘民世非無人誰有是心為政一年未究
設施閩人思公則無窮期嗚呼哀哉昔公之來吊我
倚廬今我來思哭公喪車酌此一觴千古之訣悠悠
寒雲相我愁絕嗚呼哀哉

祭慶元張知縣墓文

惟公英邁之姿嶷乎其山立潔白之操凜乎其淵澄

發之於文則粹然義理之正施諸有政則藹然豈第
之稱柰何進不獲踐清華之職仕退不獲享耆艾之
修齡豈福善旣淫之訓有時而不可必抑天之與人
或殊其好惡之情嗚呼哀哉其之與君情深義厚而
追奠之行不得執其紼臨穴之際不得以撫其匱以
所以慊焉于中而不勝自咎也雨露旣濡愴然懷舊
何以薦誠唯此卮酒雖欲見君掀然捧腹一笑舉白
而不可復得從想像其平生有哀涕其如溜嗚呼哀
哉

祭蕭穎仲文

嗚呼我之女弟實歸于君三十年間親好是篤我仕
達女弟遽亡我懷之悲迄今未已猶喜君在庶慰
予心云胡不留奄復颺逝追念疇昔黯然魂驚一罇
陳前有涕如瀉嗚呼哀哉

祭葉夫人文

近故 國夫人葉氏靈筵嗚呼人生誰獨無親全美
備福莫如夫人手教其子蚤魁斯文入從出藩蔚乎
名臣距美聞孫一枝重春森其拜後雜選芳芬居中
歷外輕軒重茵歲時歸來宴其親姻燁如金母髮鶴
齡椿綵衣爛班垂秉國鈞肩輿內朝儀形妃嬪倏焉

委蛻厥恙何因卷我霖雨為淚零零訃告之聞疇不
酸辛緘辭往奠尚鑒忱恂

祭楊宮幹文

嗚呼昔歸自泉公迓于途及歸自洪公吊于廬今茲
來歸親故滿目問公何在埋玉幽谷七十之年後古
所稀况又過之公其何悲死於布衣虛度此生木簡
綠裳公歸何榮紛紛鄙夫惟利是計一錢之捐如割
肌體顧詹通衢昔跌而傾今實為誰猶砥之平視粟
如沙視金如土迄成 功繫盛德故貪 怛化其孰
不然松將亡有垠語言割田分貨以収出子家

然熾悉有紀我之於公遊後有年公亡我歸能不慨
然有馨斯肴有清伊醕菟兮歸來尚克我顧嗚呼哀哉

祭果州李郎中文

維年月朔日具位 某謹以清酌之奠致祭于故果州
使君兵部李君貫之之靈嗚呼哀哉仲冬辛卯晨興
徬徨覺中情之弗怡若冰炭之堆腸粵有趙子之書
來從九江發而視之則吾貫之使君之訃也輟予食
而驚嗟沾予襟而淋浪胡斯世之不牽而若人之云
亡嗚呼哀哉君之天資清明純粹君之問學深潛篤
至氣勇温而毅然有難犯之色行峻且方泊然亡近

名之累昔在芸省交情最親及使江東同心拯民我
或君違君弗以為忤君雖我後我豈以為恩君舟西
旋我旆南下相與夜宿金山之上江濤轟厖風鐸震
撼偉勁論之英發旁森羅乎鬼神至於天理人欲消
長之機吾道異端正邪之辨嚴毫釐之剖析極涇渭
之區分方且自視歔然念窮格之未精舉措之多戾
期舍舊而圖新蓋其用志之剛進德之勇俛焉孳孳
而弗自己者直欲古人之與鄰嗚呼哀哉以君之忠
誠鯁亮使見用于時而居正君澤物之地則上將有
補於主德下將有功於生人借獲不用猶當著書立

言闡幽揚遠以溯西洛之淵源近以續紫陽之緒
業尚有光於斯文亦孰知二者之不一遂乎徒齎志
而沉淪嗚呼哀哉薰蕕不並柄鑿難入豈今獨然繇
古一律當衆口斷斷之餘其與君者甚寡而予獨以
為可恃者繫蒼旻與白日又孰知天理之靡常亦若
人情之難必嗚呼哀哉澹乎無欲君性實然至若食
太微而學太苦則某嘗以為言乃者鼈背之遊深衣
大帶形臞而神秀超然山澤仙而其飲不濡唇飯不
盈掬意者咀道德之華悅義理之泰復何慕乎膺糴
慘別幾時凶問尋至豈他疾之為崇乎將以斯而損

年君於死生幽明之故妖壽不貳之理講之素矣獨
齋咨而弗置者為清時而惓惓嗚呼哀哉君今已矣
某之罷駑亡復警策之望矣唯夫平生之言垂別之
贈所以丁寧教我者敢不佩服而周旋西望隆山眇
在天末欲拊視一哀而不可得空竇涕其如泉嗚呼
哀哉尚饗

祭趙經略文

謹以清酌之奠致祭于某官之靈嗚呼哀哉惟忠定
公為國元臣如且在周如摯在殷君之為子伊陟伯
禽謂宜詔格天之功嗣建侯之寵扶尊安於廟祐垂

光燿於琳珉而乃官止選曹卽位裁桂林伯彼蒼者
天其難知耶何以俾忠臣之有後其可恃耶抑何遽
奪於斯人嗚呼哀哉君之修身義以為質端直自持
裸裎惟一其嫉惡若仇其與善若昵其遠利若濬其
辟寵若疾思昔從游於群玉之上春容於杯酒之間
開口論心抵掌劇談凡所以發予之衷而作予之懦
者真益友之言距今十年而君偉然之正論毅然之
勁氣猶若鏗乎其在耳凜乎其在顏也辛未之夏君
守湓城載酒江滸以祖其行顧詹同僚莫非俊英若
仲章若貫之與吾履常父尤磊落而崢嶸然當是時

曾未知其可樂也歲月幾何而三君子者相尋而皆
逝遂掩恨於泉扃然後知若人之不易有此樂之不
再得前世之士是以當懼而感慨惜別而傷情嗚呼
哀哉自我來南
清修玉立泥滓於惟
德門 此昆帝遂締姻盟以永百世君寓于越我家
興相 幾何 之程謂當異時千里命駕何悟
一朝君遽于舍善人云亡吾黨益孤我懷之悲豈為
私乎聞君之喪邈在海隅往奠一觴聲與淚俱嗚呼
哀哉尚饗

祭倪尚書文

維年歲六月戊寅朔二十九日丙午持服真某謹
人以薊茗之奠致告于歿故寶學尚書倪公先生之
靈嗚呼 流西來盟泊萬里孰櫻其有柱中恃雪壓
風催几卉一空惟柏蒼然不改厥容
世之哲出入三朝壯老一 政在私門掉臂莫從追
時更化亦弗苟同瑣 昌言 曾未幾時諫
書盈篋亦既弗 懷而歸漣淩丘林以燕以嬉世
涂紛夸生 權利有鴻冥冥孤入雲際我觀先朝惟
清獻 畧與同南臺嘉暮西土遺愛晚

惠公在朝廷懇懇正君公在藩

既賦歸塵滓萬物靜融天光幽

所玩心且其超然得喪莫

鄙有書在奩有誨在誨在耳我

公吊以書其辭辛酸聞公是

而我為恤嗚呼此意其曷可忘訃書踵來痛攪我腸

我親之生歲直于卯公年寔同歿亦先後哭親之淚

轉而哭公豈私是懷惟國之 汲直弗存孰讐姦究

楊公遽奪孰洗貪侈謂天孔仁胡正是仇北望潸然

莫知我憂嗚呼哀哉尚饗

祭倪通守文

維年歲月日

真某謹專人以香茶清酌之

榮通守大夫倪君靈嗚呼

府我實何能賴子云補

利害之 權其長短語無

子之心相期者遠我麾南下

以書奚其治泉文昌之仁民曰

我以故書來媿媿本末具陳

母崇燕 母豔琛貨民以

雖不敏 蹈茲言免我于郵

行子在劔浦載酒客亭促膝

東歸子趨唁我憂行色辭
 節其抑母或過瘁既別
 之愛予疇復 倫梁壞山頽
 隨以訃告我聞驚嘆隕涕
 失聲胡為德門大禍是奔豈推傷致此彫耗昔嘗戒
 予顧復自蹈嗚呼哀哉歲在龍蛇賢人所嗟昔疑其
 誕今果然耶堂堂文昌天既奪之有子而材復天闕
 之巖巖蒼官風雨拔之猗猗碧桐霜雪折之子榮已
 矣無復見期往酌一觴大抒我悲嗚呼哀哉尚饗

祭劉房州文

故官使知府大夫劉公之靈嗚呼忠肅

之學貫於天人爰暨順寧

書可想芳烈我自少小即聞

始誠公環堵蕭然不蔽風雨

溢宇二頃之田僅給粥餼歉歌

利溺人世所汲汲一罇可役

清淚橫空豈以區區為子

之子展也如是公肖是似

期天胡忍子而遽奪之書來

奏功已屬斯續嗚呼已矣

其我規者有醴斯馨育

慟之悲 古之訣嗚呼哀哉尚饗

為德門

嗚呼哀哉

然則堂堂文昌公

書何

竟助作

公劉芳

祭諫議龔公國正

新天子有事于合宮推恩字內凡忠臣義士之名蹟
顯著者俾長史二千碩致祠焉所以風勸臣節也惟
公昌言直道照映青史馬鬣之封近在城隅曰忠與
義疇出公右是用躬致天子之命于墓下而不敢諉
之有司焉嗚呼公之南遷坐論蔡氏也方公持扇乞
錢之日實彼秉鈞顓國之時榮悴殊塗亦既甚矣歲
月幾何是非大定流芳遺臭兩俱亡窮咄彼堯渠埋
骨茲土樵蕪尤唾而弗顧而過公之墓者莫不裴回
太息想像其遺風是果孰為榮辱耶嗟夫天不使公

還葬河間而葬于此又不使蔡斃于異邦而斃于此
其殆欲一正一邪昭然並列為世之法戒乎雖然使
君之言行則王室不至於中微蔡氏亦免於誅僂是
公之論蔡也不特忠於蔡氏而蔡之害公也不惟禍
國祇以自禍也歟敬仰之餘併陳梗槩公之英烈尚
聞斯言

忠節廟

忠節有祠自太守朱公始然公之既請于朝也命未
頒而遽去其後牧臣鮮或加意故祠室之立苟簡為
甚而其後祀之位次亦有可議者焉其蒙恩以來首

修謁款裝回顧省慨然久之謀諸同僚遂徙斯宇在
工命役煥然一新或出或升惟義之比至於近世將
臣捐軀犯難之死弗顧者皆附而祀之下至戎行亦
許綴食嗚呼是足以彰朝廷表勵之美而成朱公建
白之本志矣像設告成肆陳薄奠英威未泯其鑒此誠
祭王侍郎母夫人

嗚呼夫人其古之賢母歟方來嬪德門之初宗伯之
年未冠也保惠之至其猶護驪龍之珠鞠育之切又
如字丹穴之雛然能養而不能教者母道之常也而
夫人獨知徙隣之深意欲勉經訓之蓄畬迺瞻岳麓

群英所廬前則有五峯之遺風後則有南軒之宏摹
顧謂嗣賢汝游汝居挹靈峯千仞之秀以助汝胸中
之竒偉吸長江萬里之澗以滋汝筆端之芬腴豈晨
昏之弗懷蓋深惜於居諸然其始也或以為迂其子
若於慈為未足迨乎上天殫之大對魁薄海之群儒
厥聲赫然如霆之迅如日之起然後知為教子之力
蓋於慈而存餘嗚呼夫人其古之賢母歟方蘭陔之
娛侍極綵服之驩愉謂耆齡之未艾奄長夜其云祖
某也從宗伯游獲聞懿範之一二欲揚厲鋪張以待
後世乏太筆之椽如意嗟兮今晨翼稱兮在塗朔風

凜兮號空嚴霜慘兮冽膚悵莫留於仙馭徒泣餞於
輓車

祭趙侍郎

嗚呼我公遽止斯邪始疑弗信今果然耶維莫之春
拜公于都樽酒笑談神閑氣舒退語於人公壯且碩
謂當百年為國柱石越夏四月告別于公公時孔安
有睟其容居亡幾何郵命相踵乃尹神臯乃正汰從
善而不寐泚筆作書書在于塗而公歸歟時止時行
孰非天命謂公安之不以為病御書親賜訊公安否
將命東歸迺以疾告維公德人勿藥以瘳川逝颺馳

奄其弗留位非不崇志則未究命非不通年則弗壽
開闔抑揚果誰為之茫茫太空孰其問之嗚呼茲歲
老成殄瘁梅巖云亡公亦隨仕鄉之學者其將誰師
鄉之仕者其將疇依矧惟甌生最辱知己別去幾時
遽隔生死冥冥長夜公今何之乘雲往來與汗漫期
鈞天清都公樂無苦唯在人情寧免嗟慕隕涕如泉
莫將我悲不忘者存尚或鑒之

祭詹大卿

嗚呼天乎予公以卓異之材而位不究其用賦公以
醇明之德而生不假之年方疆場多虞宵旰太息之

日而奪以老成之彥經濟之賢詩所謂人之云亡
國殄瘁者也有志之士所以盡然而傷痛拊膺而問
天蓋公之為人得諸天者既異而充之以學又深造
其淵源自群經百氏闕濶奧衍之旨靡不心融而神
會下至陰陽卜筮幽微幻眇徃徃探頤而忘筌惟其
所造者高明自養者剛大故雖踐歷清華不以為泰
屏居林泉不以為辱更榮悴而無二色禍福不為之
遷改迨公道開明善類登進乃復分太守之符持王
人之節識者知公之將用莫不訴然而相賀奈何人
事之乖兮 驛朝而馳訃音莫傳豈民之無祿不獲

被公之澤乎抑厭世之溷濁寧輕舉而高騫公於幽
冥之故死生之說既灼然昭融而洞徹宜其臨絕之
音琅然不亂啓手足而全嗟吾鄉邦人物之盛蓋自
昔而蟬聯比以來諸老淪謝惟公僅存若靈光之岿
然後生小子尚得窺儀刑而興起奉教訓而思旋若
某之不才顧何足以語上而公獨以為可教每更以
留連憶初筮之別公欲臨分之贈言曰盡心則無愧
平心則不偏蓋拳拳服膺不敢失墜者五年于此若
几杖而常弦謂公年未衰尚克拜於堂巖冀鄙吝之
獲鋤甚沉疴之待痊孰謂公奄然而逝乎曾不及乎

華顛想音容其若存冀親炙而無緣悼前志之不
涕泣下而淪漣繼自今其何如惟砥礪而稱堅誓名
節之不渝以報公於九原

祭陳北山

嗚呼維公世之偉人有德有才有武有文閩洛之緒
弗絕如綫魏紫陽是續是演靜涵一本動貫萬微
隱顯相因體用弗離公游其門見謂巨擘翹流窮源
研幾探頤蘊而蓄之既粹以精發而舒之亦大以宏
非如世儒沉溺訓詁非如詞人聯緝毫縷平居穆然
色下言徐遇事剗然氣陵萬夫破賊東堆震霆電激

袖手北山窈菴深黑能開能闔可縮可伸嗚呼維公
舉世孰倫經濟之謨戡定之畧幅塞通施遁藏自樂
思豪力雄全涌厥辭駕風犇雲而與並馳尊俎春容
淋漓筆墨踞視冰漸為我僕役先天之秘人所莫闕
公獨玩心皇羲是師問者書來辱以告我誰歟共談
繫子其可千里相望數遺以詩學失傳訛形于嘆咨
觀公之志勇於任道將扶微言俾後有考我云斯文
寄實在公紫陽之志盍成厥終云胡弗淑奄忽長逝
朔風怒兮助我悲涕幸而有子公為不忘靈兮來思
舉我一觴


祭趙提舉

嗚呼維我 聖朝天枝蕃衍號為磐石之宗三百年
間英材輩出然德著於家者未有如篤行之行功施
于國者未有如忠定之忠蓋父子相承世濟厥美事
親盡孝則庶幾乎曾子事君盡道則無慙乎周公惟
其純誠大節昭格於上帝故賜以峻明哲艾之嗣軼
高陽之八龍公之稟於天者既挺然其特異而自少
暨長沈涵漸漬不離典訓之中凡師門之指授與家
塾之磨礪義利取舍之端必致嚴於決擇古今成敗
之變亦洞究其初終故材之成者日赫而誠之邃者

彌充節麾累壽宗盟載泣介寮自將則冰壺秋月之
瑩剛果立斷則大阿龍泉之鋒踣繫姦彊凜乎其霜
肅惠鮮惇獨熙然其春融雖憤世疾邪常若過於激
烈而尊賢友善則未始不極其溫恭九敵猷之可紀
皆學問之餘功環輒雖頻不自悼其爵握蘭雖寵不
自賀其逢惟及物之是期曾靡計乎痺崇早掛冠於
神虎獨抗志於冥鴻有冕山兮峨嵋芥罄湖兮溶溶
將卒歲以優湖邊罹於鞠凶嗚呼哀哉我昔與公襟
期寔同辱媼盟之我締永世好於無窮聞拂衣而端
返思命駕以相從未巾車於北道已洒涕於西風今
公之塋莫能躬祭酒之奠徒目斷乎層空想英靈
不泯冀盼蠶之潛通

祭左翼軍吳將

嗚呼汝之年垂老矣討賊之役主將不欲汝而汝請
行忠也同列具旺以一舟而當賊五舟也人不援而
汝獨援之義也旺獲全而汝死豈不哀哉然人誰不
死汝之死以忠義可謂得其所矣渠魁不日就擒當
令剗肝以祭汝官汝之子卹汝之家而廟于海瀕以
祀汝忠死之士皆從享焉汝雖云亡必能為厲以擊
賊也



萬曆丁酉歲季冬
月重梓于景賢堂

集卷之第五十五終

